

內黃縣志卷首

目錄

卷一

地理

沿革
鎮集

疆域
村庄

山川

隄堰

渡口

營屯

卷二

建置

城池
棹榭

署廨
堡寨

郵鋪
義塚

倉庾

橋梁

井泉

卷三

古蹟

陵墓

城壘

村里

臺宇

寺觀

卷四

風土

風俗

物產

卷五

田賦

里甲 驛站

戶口 雜稅

地畝

賦稅

漕運

鹽課

卷六

學校

學宮 書院

祭儀 學田

書籍

學額

社學

義學

卷七

祠祀

壇壝

祠廟

卷八

事實記

卷九

職官表

知縣 教諭

縣丞 訓導

主簿 武營

興史

卷十

科貢表 進士 舉人 貢生 例貢

卷十一

古今人物表 薦辟 農官 武勳 封贈 恩蔭 祿仕

卷十二

列傳 上 名宦 循良

卷十三

列傳 中 鄉賢 耆舊 忠義 孝悌 義行

卷十四

列傳 下 文學 隱逸 方技 流寓 方外

卷十五

列女傳

卷十六

藝文

上

制誥

書奏

記序

卷十七

藝文

下

記序

詩賦

卷十八

志餘

雜議

舊志序跋

縣志卷十四

隱逸 方技 流寓 方外

經天緯地曰文通天地人之謂儒儒林文苑道原一貫而史例輒判爲兩途母亦因其性之所近與其力之所臻歟準諸四科文學兼之矣士有才德休美舉世景慕而韜光匿采肆志徜徉鴻飛冥冥弋人何算焉若夫小道可觀爲專門絕業僑居旣久則安土重遷彼遊於方之外者迹不侔也然道其所道德其所德苟有足稱得不謂一邑人物哉作列傳下卷

文學

唐 馬嘉運

張大素

張大安

沈佺期

宋 傅世隆

明 周萬金

司惟標

李一經

孫愛之

國朝 周丕顯

司九臯

黃之鉉

馬德迪

黃之珖

王凝祚

董之理

黃金

李恂

柴疑道

黃洄

張麟趾

賈森

馮自誠

列傳

馬嘉運少爲沙門後改治儒講授白鹿山中受業者千餘人貞觀中召拜宏文館學士以孔穎達五經正義繁蕪掎摭其疵當時諸儒服其精博後累崇賢館學士

張大素郊國公公謹長子龍朔中厯官東臺舍人兼修國史著書百餘篇終懷州刺史

張大安郊國公公謹次子上元中同中書門下三品章

懷太子令與劉訥言等共註范曄漢書太子廢坐貶
爲普州刺史終橫州司馬子排仕元宗時爲集賢書
院判官詔以其家所著魏書說林入院綴修所闕累
擢知圖書括訪異書使進國子司業以累免官

沈佺期字雲卿及進士第由協律郎累除給事中考功
受贓劾未究會張易之敗遂長流驩州稍遷台州錄
事參軍事入計得召見拜起居郎兼修文館直學士
既侍晏帝詔學士等舞回波佺期爲弄辭悅帝遷賜
牙緋尋歷中書舍人太子少詹事開元初卒佺期詩
與宋之問齊名時人謂之沈宋中宗正月晦日幸昆

明池賦詩羣臣應制百餘篇帳殿前結綵樓命上官
昭容選一首爲新翻御製曲從臣悉集其下須臾紙
落如飛各認其名而懷之旣退唯沈宋二詩不下又
移時一紙飛墜競取而觀乃沈詩也及聞其評曰二
詩工力悉敵沈詩落句云微臣彫朽質羞覩豫章材
蓋詞氣已竭宋詩云不愁明月盡自有夜珠來猶覺
陡健沈乃伏不敢復爭而張燕公說嘗謂佺期曰沈
三兄詩須還他第一其爲大手筆所賞嘆如此佺期
弟佺交佺甯見隱逸傳

舊志曰按十二家唐詩謂沈宋工力悉敵諸作當以

近體爲最排律用韻穩妥事不傍引情無牽合尤爲
獨步誠然張延登曰佺期詩賦整麗不合大義附身
二張遠竄荒微極歷窮愁其比物連類亦有足悲者
及還不早自引謝廻波乞憐尋賜牙緋何其終始浮
沈也假令佺期識時不阿其志其於文行可謂兼之
矣余謂延登此論真雲卿之箴砭然不護細行自是
文人膏肓症如長卿伯喈安仁興公之流皆已不免
物議又何責雲卿雲卿之詩實前接四傑後開開元
大歷諸家弇州公卮言有文章九命其三爲玷缺而
佺期與焉嗟乎其果命邪非邪

宋

傅世隆祖思進始讀書爲儒考擬贈虞部員外郎世爲
邑中富家世隆以春秋三傳登科仕至駕部員外郎
知邛州事子珏見人物列傳

明

周萬金正德庚午舉人任沛縣知縣力學嗜古尤工聲
律嘗憤邑乘缺佚咨訪耆宿私爲志一帙藏之巾笥
邑令張古將修邑志謀之萬金出其橐示古乃以幣
徵就局卒業又嘗刻古文會編以訓子孫蓋前輩博
雅士也

司惟標號騰石崇禎庚午舉人幼穎異讀書目數行下
才藻奕奕早負文名又喜博覽圖史善談論爲當時
推重鄴郡趙王徽爲布衣交手書騰石廣文賜之一
時如開州韋秦輩與爲八俊友每會嘯咏風流至今
豔稱有杏花詩十首勒石爲人傳誦

李一經號匏軒學問該博筆鋒新穎爲名輩所推服後
判臨洮知耀州擢龍安府同知公事暇輒效柳州在
永東坡在黃時事退休復結精舍於城隅與邑名卿
高士時時倡和以自適

孫愛之字德元精律韻善古文一時詩銘記序大半出

其筆授太谷丞非所好也月未匝向庭松而拜曰素
大夫昔不有以丞負余訟公者乎今予匪材且負丞
矣卽解組歸去每月輝花媚時觸物興懷一一以詩
繪之名其集曰歸田

國朝

周丕顯字文謨別號東岳道人聰穎嗜學年十二童試
有聲弱冠受知邑令張公召赴署內讀書博通經史
工詞賦又能潛心理學微有奇造稱其於此道已
見分曉遠近學者胥宗師之門下士多取科貢其子
亦魁戴經而不顯僅以貢選終天性孝友有知非集

訓業書話庭訓錄等書藏於家及卒門人私謚文穆先生邑司諭後陞寶應令張增爲之傳

司九學字野文九韶胞弟也少負文名中順治丁酉副榜貢入太學生平著作甚富臨文伸紙疾書有若宿構江左名人顧丁璵嘗過黃覽其文詞亟稱之年踰七旬考授教諭未仕而卒

黃之鉉字維靜京兆吉士曾孫童時奇警異常兒稍長克自豎立通經術有丰采工文食餼名噪士林

馬德廸字仲允戶部郎習元之孫天性誠懇誦讀之外無他嗜好一嘗號爲書齋然學于以春秋獲簡初

受西甯教諭再補蔚縣分校山左甲午鄉試陞國子
監學正致仕生平未嘗一日廢學有問舉業訣者曰
無他謬巧讀多做多壽八十餘易簪時猶見新科制
義一卷分攤枕側兄德進字伯勉邑廩生善古文詞
兼工書法

黃之珖字衛珍歲貢生髫年下帷功苦寒暑無輟爲文
雄贍以數竒屢躋場屋居家以孝稱執親喪盡哀盡
禮旬日間鬚髮變白邑有公舉多所建明官師咸敬
禮之設絳授生徒加意曲成門下士皆一時之彥

王凝祚字周昆歲貢生生而魁偉言端行矩望之有嚴

巖之槩及與之接則藹然可親工文食餽屢試冠軍
以明經終疑祚少失怙惟兄教是從兄歿事邱嫂尤
謹鄉黨稱之

董之理字他山號鈍菴別號五鹿居士若冠爲文出語
驚人狀貌竒偉志氣磊落竟不獲一第累舉優行以
明經終之理善古文詞有求必應晚益窮唯彈琴賦
詩酣飲終日以自適然安貧知命與物無競而善談
名理亶亶不倦聞者爲之解頤

黃金字位西號燕臺乾隆己酉科由選拔中式副榜生
資類異以神童補弟子員旋食原餽詩文書法擅絕

一時設教鄉里舉人郭清渠廣東興甯縣知縣樊
照貢生王嘉臣劉忠皆出其門其餘知名之士不可
悉數所著有醉白詩藁

李恂石廣村人幼貧苦讀乾隆五十三年中式舉人高
蹈不仕以成就人才爲務設教四十餘年門弟子登
賢書入選拔及成名者甚衆

柴凝道字聖修號竹溪幼從塾師讀勤憤異常兒家貧
爨火屢斷由是廢讀耕田輒攜書觀之鄰人見其嗜
學勸其父仍令就學造詣益精進及學院考試賴街
鄰資助得入郡庠旋食餼嘉慶五年中式舉人後授

開封府杞縣教諭譚士有方闔學公送春風普度匾額
頌道感念親恩以本身應得封典貤封父母

黃洞字長源廩貢生年十三入邑庠天性灑脫學以經史爲重文以大家爲法詩以李杜爲宗至於教人不貪近功求速效循循善誘務使成爲有體有用之學
張麟趾南城人道光癸未歲貢博覽羣書詩文兼優批點朱註自加講義及門諸子恪守師訓成名者甚衆
其後優於詩文熟於經史善誘子弟者大率出其門
下惜遺藁不知所存

賈森字蔭亭吳村人增生素好學詩文兼優書法尤擅

絕一時設教多年門下成者甚衆

馮自誠字聖甫東興善村人歲貢生品詣端方學問淵博詩詞歌賦無不出衆書畫尤超絕一時至今存留者珍如拱璧



漢

申屠蟠

唐

沈佺交

弟佺甯

宋

師頌

元

耿介然

德安

耿敬

明

張問官

國朝

黃本素

黃之錫

劉柱鼎

列傳

申屠蟠字子龍九歲喪父哀毀過禮服除不進酒肉十餘年每忌日輒三日不食同郡緱氏女玉爲父報讐殺夫氏之黨吏執玉以告外黃令梁配配欲論殺玉蟠時年十五爲諸生進諫曰王之節義足以感無恥之孫激忍辱之子不遭明時尙當表旌廬墓況在清聽而不加哀矜配善其言乃爲讞得減死論鄉人稱美之家貧傭爲漆工郭泰見而竒之同郡蔡邕深重蟠及被州辟乃辭讓之後郡召爲主簿不行遂隱居精學博貫五經兼明圖緯始與濟陰王子居同在太

學子居臨歿以身託蟠蟠乃躬推輦車送喪歸鄉
遇司隸從事於河輦之間從事義之爲封賻護送蟠
不肯受投賻於地而去事畢還學太尉黃瓊辟不就
及瓊卒歸葬江夏四方名豪會帳下者六七千人互
相談論莫有及蟠者唯南郡一生與相酬對旣別執
蟠手曰君非聘則徵如是相見於上京矣蟠勃然作
色曰始吾以子爲可與言也何意乃相拘教樂貴之
徒邪因撒手而去不復與言再舉有道不就先是京
師游士汝南范滂等非許朝政自公卿以下皆折節
下之大學生爭慕其風以爲文學將興處士復用蟠

獨歎曰昔戰國之世處士橫議列國之王至爲擁彗
先驅卒有坑儒燒書之禍今之謂矣乃絕迹於梁碭
之間因樹爲屋自同傭人居二年滂等果罹黨錮或
死或刑者數百人蟠超然免於評論後蟠友人陳郡
馮雍坐事繫獄豫州牧黃琬欲殺之或勸蟠救雍蟠
不肯行曰黃子琰爲吾故邪未必合罪如不用吾言
雖往何益琬聞之遂免雍罪大將軍何進連徵不詣
進必欲致之使蟠同郡黃忠書勸之蟠不答忠平五
年復與荀爽夏侯太初及潁川韓融陳紀等十四人
並博士徵不至明年董卓廢立蟠及爽融紀等復俱

公車徵唯蟠不到衆人咸勸之蟠笑而不應居無幾
爽等爲卓所脅迫西都長安京師擾亂及大駕西遷
公卿多遇兵饑室家流散融等僅以身免唯蟠處亂
未終全高志

舊志曰子名蔚顧及之列而清操卓識超然
免於黨類之禍黃叔度徐孺子輩中人郭有道陳
令君不及後漢書蟠本傳爲陳留外黃人而高
唐傳則云薦縣人申屠蟠則蟠爲內黃人無疑耳

唐

沈佺期與弟佺期皆有名文學而不遠兄佺期周武氏別

見存撫使所舉人無問賢愚悉加擢用高者試鳳閣
舍人次試員外卽侍御史補闕拾遺校書郎試官自
此始時大爲之語曰補闕連車載拾遺平斗量權樞
侍御史脫腕校書郎佺交績之曰黏心存撫使眯目
聖神臯御史劾之太后笑曰但使卿等不濫何恤人
言佺交兄弟皆終身不仕

宋

宋蘇全高志

師頌永興節度判官均之子翰林學士頌之兄也有文
學閒曠不仕

元

公車當到不待舉人

耿介然耿德安兩人淹貫經史隱居終身

耿敬字義甫號菊莊金徵君拙菴孫教諭德安子也父
早卒事母至孝受業於河東風川之門博覽經籍家
貧樂道朝廷以素聞擢全甯路教授再授宣忠扈衛
不仕開塾於鄉四十餘年雖武弁之士亦化爲文雅
其散在四方爲名流者不可勝舉卒年七十有三
子四孝廉文舉次子丙寅進士元益其季子也

張問官問行之
辛卯科舉人優游林下三十餘
年人勸之仕曰
謂冠帶榮人那我觀之若輕格耳
竟不出邑

舊志曰古潁陽商山雖高風遐躡絕出今古然往往見之史傳而此黃邑數君子者隄申屠子龍外僅其姓名存耳冥鴻孤鶴非不令人企羨乃其文詞行事殊少概見矣噫

國朝

黃本素字遜采性超澹敦樸季子之徽筮仕信豐例得封典本素夷然自若惟諄諄以勉作清官勿玷家聲爲訓時復野冠攜壺觴與二三農人坐茂林話桑麻以自適一日之郊外遇推車者登阪而罷屬令挽之欣然弗辭其寵辱不驚類此壽八旬考終

黃之錫字維福京兆吉士曾孫爲邑廩生貢入太學博
學能文工楷書居家孝友邑合張沐孫徵君奇逢皆
理學宗匠嘗引爲箇中人厥後厭世氛絕意仕進杜
門養晦不與外事邑人罕見其面以高蹈終身

劉柱鼎字石公博學能文爲邑中士淡於勢利家開一
塾日以教生徒課文藝爲務經斧削者多成名去遇
人婚葬輒悉力助之終身不至邑市有古隱君子風

方技

漢 藥 巴 見鄉賢傳

殷 登

宋 傅 珏 見耆舊傳

明 劉全備

司惟標

國朝 張懋昌

宋上達

唐 僧一行 見方外

列傳

殷登邑人初漢熹平五年黃龍見譙光祿大夫橋元問
太史令單颺此何祥也颺曰其國後當有王者興不
及五十年亦當復見天事恒象此其應也登然而記
之至四十五年登尙在三月黃龍見譙登聞之曰單
颺之言其驗茲乎魏主丕後召見登謂之曰昔成風
聞楚邱之繇而敬事季友鄧晨信少公之言而自納
光武登以篤老服膺占術記識天道豈有是乎賜登
穀三百斛遣歸家

劉全備字克用正德嘉靖年間人事親孝習舉子業不

售思欲利濟天下因殫精岐黃凡素問難經諸書莫不窺其閫奧遇病隨手愈不索酬焉作病機賦自爲註解盛行於世

司惟標領崇禎庚午鄉薦嘗獲異書善符呪遣發風雷役使鬼物不移時人有以管疾或宅怪祈驅除者至則立愈迄今都人士猶競傳其逸事云

張懋昌字九之明魯府審理亭官曾孫出就外傳讀書暇輒弄藥彈膏圖爲戲識者已卜其志趣隨任汴署就正藩醫得其秘術時患疫人人懼染懋昌曰吾方驅一豎以死斂何懼桑爲構囊診視應手輒愈遠近

頌神醫焉

國朝大名兵憲耿中令成俱倚爲性命保障邕僕屢旌其門懋昌篤親親識大體念本宗祠堂未立爰鳩族氏首輸多金以爲春秋享獻之地君子題之

宗上達邑庠士帖括之外無他能一夕夢神授以按摩術初不解其驗否也居有頃妻病脇痛甚達以手探之旋愈自此知交中間之稍稍招往病隨手轉錙銖不取後遂其門如市滌滯起沈不可殫述嘗云人身血脈筋絡如水行地中一有阻塞則害立見惟當識其卻窾重加按捺使其流通自可不事湯藥鍼灸而

愈二尹楊育贈以聯曰無藥能除當世病點金恐誤
後來人古有能見垣以方者上達殆近之與

流寓

宋

毋飛

趙叢

明

支瓚

董諮

段鴻

國朝

郭濟明

沈起灝

列傳

岳飛字鵬舉相州湯陰人崇甯二年六月河決內黃水
暴至飛生未彌月母姚氏抱飛坐甕中衝濤及岸得
免人以爲異後爲中興名將第一秦檜害其功斃之
獄中諡武穆改諡忠武

舊志爲元符二年河決內黃按宋史本傳忠武死於
紹興十一年辛酉年三十九歲逆數至徽宗崇甯二
年癸未正所生之年也今爲改正

趙叢先世本山東歷城人寄籍洪洞叢以才能初任千
總繼陞都司以不能媚權奸退居林下越數歲度宗

咸醕七年有旨簡選材官擢大名副總因置產內
支家庄家焉恭帝德祐二年從元戎崔洪征汝甯有
功特授正卿食汝甯府屬二邑俸及帝昺祥興元年

陣亡

支璜浙江山陰人住南京吏部主事奏事忤旨流徙
黃冠家焉

董路山東壽光人由舉人任本縣教諭父彬亦由鄉舉
嘗爲順天永清教諭因隨任卒於黃不獲歸葬遂寧
焉見宦蹟志

馮鴻陝西延川人父秉彝嘉靖年間爲本縣訓導以疾

卒於官鴻扶櫬還葬子懷孝留黃肄業鴻葬事完還黃遂定籍懷孝後爲邑貢生

郭藩明直隸任邱人順治二年任邑訓導四年裁去復

補內黃

時有訓導二員裁其一存其一

陞清豐縣教諭卒子允儼扶

柩還黃葬遷民屯遂定籍焉

沈起灝字太素順天通州學生讀書澶淵學署嘗數過

黃慕邑風醕厚遂定籍焉善書工詩治舉子業屢躋

場屋竟賚志以歿子伯醕字孟旗恂雅能文甫弱冠

補弟子員

方外

唐釋一行

海悟

金圓琛

法澄

明常瑾

列傳

釋一行俗姓張氏

寰宇通志廣輿記大名府志俱載爲邑人張公謹孫

本名遂早

歲聰黠明利讀書不再師事普寂禪師時有盧鴻者持其文至寺一行一覽之卽無遺忘鴻驚謂寂曰非君所能教也當縱其游學一行研窮大術自此求力不遠數千里嘗至天台國清寺見門前有流水一行立於門屏間聞院中僧於庭布算其聲蔌蔌旣而謂其徒曰今日當有弟子求吾算法已合到門豈無人導達耶卽除一算又謂曰門前水合卻西流弟子當至一行承言而入稽首請法盡授其術而門水復東

流矣自是聲振遐邇元宗聞之召令入內謂曰卿何能對曰善記覽元宗因召掖庭取宮人籍以示之周覽既畢覆其本記念已熟如素所習讀數幅之後元宗不覺降榻爲之作禮呼爲聖人嗟嘆良久尋乃詔對無恒占其災福若指於掌言多補益邢和璞嘗謂尹愔曰一行其聖人乎漢之洛下閎造大衍歷云後八百歲當差一日則有聖人定之今年期畢矣而一行造大衍歷正其差謬則洛下閎之言信矣一行又嘗詣道士尹崇借揚雄太元經數日復詣崇還其書崇曰此書意旨深遠吾尋之積年尙不能曉吾子試

更研求何遽見遷也一符曰究其義矣因出所撰大
衍元圖及義訣一卷以示崇崇大嗟賞謂人曰此後
生顏子也帝嘗問國祚幾何有留難否一行曰鑿輿
有萬里之行社稷終吉帝驚問其故不答退以小金
合進之曰至萬里卽開帝一日發合視之蓋當歸少
許及祿山亂駕幸成都至萬里橋忽悟未幾果歸昭
宗初封吉王唐至昭宗而滅故終吉至開元末裴寬
爲河南尹寬深信佛法師事普寂禪師日夕造焉或
一日寬詣寂寂云方有小事未暇款語且請遲迴休
息寬乃屏賓從止於空室見寂潔滌正堂焚香端坐

坐未久忽聞叩門連聲云天師一行和尚至矣一行
入詣寂作禮禮訖附耳密語其貌絕恭寂但頷云無
不可者語訖復禮禮訖又語如是者三寂唯云是是
無不可者一行語訖降階入南堂自闔其戶寂乃徐
命弟子云遣聲鐘一行和尚滅度矣左右疾走視之
一如其言滅度後寬服縗經葬之日步出城送之春
秋四十五帝哭之哀甚輟朝三日停龕三七日行容
貌如生帝親製碑書於石出內庫錢五十萬建塔臨
漳銅人原諡曰大慧禪師

按一行幼時家貧鄰有王姥前後濟之約數十萬

一行嘗思報之至開元中一行承明皇敬遇言無不可未幾會王姥兒犯殺人獄未具姥詣一行求救一行曰姥要金帛當十倍贖也君上執法難以情求如何王姥戟手大罵曰何用識此僧一行從而謝之終不顧一行心計渾天寺中工役數百乃命空其室內徙一大甕於中密選常住奴二人授以布囊謂曰某方某角有廢園汝往潛伺從午至昏當有物入來其數七者可盡掩之失一則杖汝如言而往至酉果有羣豕至悉獲而歸一行大喜令寶甕中覆以木蓋封以六一泥朱題梵字數十

其徒莫測詰朝中使扣門急召至便殿明皇迎問
曰太史奏昨夜北斗不見是何祥也師有以禳之
乎一行曰後魏時失熒惑若今帝星不見古所無
者天將大警於陛下也夫匹夫匹婦不得其所則
隕霜赤旱盛德所感乃能退舍感之切者其在葬
枯出繫乎釋門以瞋心壞一切善慈心降一切魔
如臣曲見莫若大赦天下明皇從之又其夕太史
奏北斗一星見凡七日而復

海悟禪師大厯時居邑南蘭若有德立心畫一見續豔

異編

圓琛字仲寶本山西人義宗時兵陷太原琛避亂東過
內黃遂留焉時年十九善爲詩歌又習書法故邑人
爭爲禮謁數遺牋素請之琛亦隨手應不厭也日惟
一食食畢輒共賓客盡日說佛法出結草廬城傍爲
圓址外穿池引水種白蓮其中因自號曰蓮菴大德
元年秋一夕臨池濯足夜半弟子有見窗明燈者因
從窺之方擁被低首兀坐及旦怪不起開窗視之已
蛻而逝矣城中老少驚異爭詣睹之顏色如生卽其
所坐擁衣冠舁之而葬焉外砌以塔邑人題之曰寶
公塔墨跡散落四方人士往往秘傳竒異之

法澄年弱冠棄俗學了悟佛詮嘗語人曰佛所說存心之要也心存則法存了悟處與儒本爲一源但孔聖所說卻令人易曉耳里中弟子或往扣之數陳孝弟且云孝弟所以得福利也捨孝弟無福利邦人化之章宗初有司爲葺殿宇浮屠以居之名曰廣法院址在王右軍廟北百步

常公名瑾少作牧以手畫地牛羊卽弗出後捨家禮佛凡事之已去者能解未來者能悟修整禪宇工用咄嗟立辦療人疾一見卽痊隆慶時居次范集之玉皇廟土人無老少皆欽仰之一日端居辟穀諭弟子以

遠遊越七日弗來可葬之弟子如其言至期果圓寂
矣面貌如生葬於集之西北有碑記

內黃縣志卷十五

列女

蓋聞春秋丁祭邈及忠義孝悌所以廣厲風化扶植
綱常也至如節孝婦女坊以旌之祠以祀之冰蘖清
操不尤令人起敬歟黃邑昔隸畿輔禮教彬彬以故
美繼柏舟芬揚彤管者史不絕書若乃撒環誓志終
身守不字之貞投崖隕身一死完不污之節凜凜焉
堅踰金石厲若風霜雖古奇男子烈丈夫何以加茲
悉著於編庶幾潛德幽光勿致湮滅爾作列女傳

列傳

元

王氏邑人趙美妻年十七歸美又四年美溺水死舊姑憐其年少無子欲令再適氏慟哭曰婦人無再嫁且有舅姑在忍棄而去耶姑欲強迫之令招族姪爲繼不從遂縊死至正間詔旌其廬

明

唐氏宋仁禮妻夫亡時年二十生子期月奉姑甚謹姑病晝夜弗懈醫禱備至及卒哀葬以禮守節四十二年撫養孤姪三人皆成立鄉人賢之正統間旌表其門

秦氏尹仕名妻年十九夫死氏守節孝養舊姑撫幼子
成立天順間有司奏聞旌表其門

閔氏李興妻夫死貧不能葬終日號泣里人爲出金賻
之得完葬事氏居喪毀悴專織紡以養姑姑憐其少
寡子幼敦論適人閔曰旣不能死從夫又不能生事
姑乎弗從永樂間姑歿營葬以禮後守節四十年有
司以聞旌表其門

梁氏石安里民傅海妻夫死守節至老不渝正統間有
司奏請旌表其門

李氏廩生黃綸妻年二十七夫歿遺孤琦鞠育教誨俾

克成立守節四十五年合終

馬氏石安里民李贊妻正德六年流賊至其家欲污之
不從遂遇害有司以事聞於旌善亭勒石以紀其名
馮三姊石安里民馮茂女流賊劫之女罵不從遂遇害
有司以聞同馬氏勒石於亭以紀其節

范氏行人司正李能繼室年二十三夫亡子玘方一歲
撫之成立爲弟子員亦早亡玘亦一子在懷抱中范
復撫之五十餘年始歿鄉人共賢之

黃氏訓導張九江妻姑尹氏疾篤思食鴿雛肉時隆冬
遍尋不得黃乃割左股肉烹之稱爲鴿肉姑疾尋愈

黃亦無恙嘉靖四十五年知縣陳柏以事聞兩

之

游氏增廣生員李貴復妻貴復病故游年二十有八遺孤學詩方二歲家貧舅姑欲改嫁之游不從極力蠶織教子誦讀四十餘年萬曆二年卒知縣黃克念親往祭弔扁額曰貞節之門二十八年知縣王廷諫復行旌表

陳氏生員張鳳翼妻鳳翼甫遊泮卽逝桑年二十二奮志苦節終始不渝遺孤中侯領壬午鄉書有司奏聞詔旌表其門

國朝雍正六年祀節孝祠

李氏邑民賈遇光妻光蚤逝李年二十五誓不獨生撫棺慟哭自縊以殉事聞於朝旌曰貞烈

國朝雍正六年祀節孝祠

劉氏邑民王安妻夫故氏年二十五歲遺孤二曰珍方
三歲曰珙未週歲翁存姑亡庶姑有子而妒日夜嗾
翁勒氏別嫁氏仰天泣誓曰吾甯不嫁而死弗忍嫁
而生氏家貧日爲人刺繡緝紡博升斗糊口或日不
舉火幾二十餘年一日翁患惡瘡臭毒不可近氏獨
親爲洗滌不避腥穢不數日瘡愈氏年六十有六而

卒知縣張延登王廷諫累匾其門

楊氏邑民李子經妻夫亡氏年二十五歲家甚貧日供織紉以養舅姑撫育幼子六十餘年鄉約會舉有司匾其門曰節孝馳聲

李氏邑民郭振妻夫亡氏方二十六歲上無舅姑止遺孤維城方二歲家貧若洗叔翁強之他適李聞之數日不食以死自誓織紡度日堅節四十餘年知縣徐成楚旌其門曰孀節流光萬曆二十八年知縣王廷諫復行旌表

國朝雍正六年祀節孝祠

張氏儒士李鳴時妻夫亡氏二十四歲子方一歲時翁
姑憫其幼欲令別嫁氏日夜哭泣誓以死守奉養翁
姑以孝聞勵志操行四十餘年內外無間議請申道
府旌表

李氏邑民王臻妻臻卒氏年二十九歲有遺腹子曰一
教氏撫之孝養舅姑歷六十年無異議有司匾其門
曰孀節流光

盧氏邑民路守庫妻有姑范氏因得時疾思肉食時方
禁宰氏割己身肉一塊煎湯以進姑病遂愈孝聞旌
表

石氏邑民黃成妻夫歿氏年二十九倚子掌印爲嗣後
印復死抱孫孫亦旋夭日餐糠粃終身不變其操

張氏廩生黃金妻夫婦倡隨靜好無間後金以篤學致
嗽而亡氏年二十八痛不欲生遂以身殉焉

秦氏庠生王家相妻夫亡氏守節五十餘年知縣顏思
忠旌其門曰節壽流芳

張氏東王家庄王鸞鳴妻夫亡家極貧困矢死靡他知
縣顏思忠以苦節奇貞旌之

張氏監生黃源妻大中丞張問行次女也幼嫻於女訓
貞靜雅稱閨房之秀源卒年二十四歲有子三人俱

尙幼張撫之日夜訓誨俱成立以儒名守節踰四十年人罕見其面知縣徐成楚匾其門曰孀節流光萬
歷四十三年知縣白珩以節申聞建坊旌表

國朝雍正六年祀節孝祠

鄭氏故民杜維妻維亡氏年二十三歲家貧止遺幼子
誓死靡他翁姑六旬餘氏紡績峙糗不遺餘力及終
俱葬如禮有司以節聞建坊旌表

國朝雍正六年祀節孝祠

陳氏生員馬邦才妻年十八夫亡其母勸之嫁氏曰吾
之所以不死者以兩月之孤兒尙存豈有他意後年

八旬有二持節六十餘年至天啟六年有司
巡方使劉公大受題請建坊

國朝雍正六年祀節孝祠

王氏故民張三陽妻夫亡遺二子方三五歲家貧無
計氏紡績供翁姑養持節四十年撫二孤成立闔邑
申其節撫按聞其門曰孀節流光

劉薄姊年十五歲有鄰人窺家無人踰牆欲污之女罵
不從繼死本縣申請奉旨建坊以旌之

國朝雍正六年祀節孝祠

國朝

侯氏潭頭村民葛守冬妻崇禎十三年歲荒夫歸攜姑
就食甯陵境姑病故遂葬之彼地後夫病危泣曰母
骨寄葬河南不能還葬故里吾死目不瞑氏曰君病
中勿憂脫有不幸我身任此事夫泣謝而逝夫既殯
氏徒步甯陵負骨而回與翁合葬仍築墓三年邑人
稱孝焉

董氏義士劉焜妻焜死寇難氏扶姑匿他所幸得免事
姑曲盡其孝姑卒哀葬以禮杜門績紡以供朝夕二
十餘年如一口知縣張沐立焜姪爲嗣給以布粟親
至其門匾曰夫烈婦貞

李氏生員來如幾妻夫歿事舅姑孝撫二子成立以僕
名有司以節孝申請奉

旨建坊旌表雍正六年祀節孝祠

程氏石盤村民王印狀妻遭明亂印狀被虜遺子良能
僅一歲氏年二十二竄逃戎馬之間或累日不獲食
保抱攜持卒能母子俱全享年八十餘子爲邑庠生
張氏史村民王印禹妻夫亡氏年二十四撫孤成立青
年守節白首完貞邑令張爲仁旌其門

張氏禮部儒士黃名士側室也年二十四士與嫡配相
繼歿遺孤二人長五齡次未周歲姪有利其產者欲

危之張保抱厥子屏居深院食用取之竇中者數年
明季兵荒相仍顛沛流離卒未嘗少挫其志壽九十
一而終孫曾振振慶流五世張猶及見焉

張氏王尉村民崔永年妻貢生張貽吉次女年二十二
夫患癘症溺水死遺孤璋甫一齡矢志守節養衰翁
以賢孝聞未幾翁歿夫族有欲謀害弱息以利其產
氏避歸母家多方護持其子始克成立苦節歷六十
年壽七十有九令終迄今子姓蕃衍人咸謂節孝之
報云

畢氏七丈堍村儒童黃本容妻夫病危絕不與氏語叩

其故曰我死汝行爲他人婦矣復何言氏痛甚焚香夫前以自誓夫旣歿竭力養姑不以貧故廢甘旨二十餘年如一日焉姑卒後家益窘躬勤織紡爲自活計惇獨孤苦又歷四十餘年而終鄉人稱賢孝節婦至今弗絕口

黃氏處士張肯穫妻京兆吉士曾孫女夫亡氏年二十有一撫二歲弱女矢志守義爲夫立嗣孝養舅姑節歷三十二年令終

王氏吏員趙賢妻夫亡氏年二十三矢志貞潔教子成名邑令楊輝斗以賦鶴丸熊匾旌之

張氏吏員趙民服妻明季夫死於寇氏年二十七與妾
季氏年二十共保一子僅二歲流離困苦不易其操
邑令王穎士旌其門曰莊共遺範

樊氏邑人張虞翼妻頗通詩書自于歸後婉順無違賢
聲達內外其夫蕩敗不謹絕無怨言夫亡氏甫二十
四並無子女唯日誦佛書紡績糊口雖偶歸甯晚必
反舍邑令王穎士旌其門

文氏樊村李耀龍妻年二十二生子有德甫離蓐無米
可炊耀龍慙憤出亡渺無蹤跡氏以隻身撫一塊肉
艱苦備嘗育之於成壽八十三令終有德克自豎立

勤儉蓄積遂饒於財援例入國學孫曾林立多遊庠序入成均人以爲苦節之報邑令王穎士旌其門曰志節成家

李氏潭頭村民王煜妻夫亡氏年二十四公姑在堂竭力孝養邑令王穎士李惇屢旌其門

張氏邑民王獻璽妻夫亡遺孤士榮僅週歲氏紡績以供孀姑未幾姑又棄世艱辛備嘗矢志彌篤壽七十
五令終邑令王穎士旌之

陳氏庠生黃本沈妻夫十六游泮逾年而歿遺孤之值甫數月氏年一十八撫之成立補弟子員守節凡四

十四年而終

白氏貢生馬景繼妻年十四歸景景死氏年二十八矢志柏舟歷五十餘載壽七十餘合終

張氏故縣村處士馬德适妻貢生馬景次男婦也氏年二十有三夫亡無嗣止遺一女甫二齡矢志守節立夫胞姪鑑爲嗣越二載翁棄世連舉二喪家道日困氏手口拮据奉繼姑撫嗣子終身不替上與繼姑並完貞操時稱一門雙節云

董氏庠生黃本身妻夫幼年入庠甫過二旬卽逝氏撫孤子固守其節者四十餘年

馬氏庠生黃之律妻夫故氏年二十九子興甫數齡旋
歿繼一子未幾亦殤卒能苦節自矢歷三十二年弗
少變

李氏儒童黃之鎔繼妻夫卒氏年二十四家貧子幼勵
志守節族黨稱賢婦焉壽七十六歲

楊氏王誥村民連國漢妻年二十七夫營於外待姑張
氏形影相弔氏糟糠自甘曲承姑意無~~恙~~姑病思
肉遂持匕首剗肱烹以飲之姑尋愈夫歸不以語伺
其容若有蹙詰問得實感激涕泗鄉人聞而白於官
旌其廬厚其給

王氏南小屯村民高九極妻年十九夫亡遺孤一未週
歲氏藜藿是甘義方訓子爲邑庠生守節四十餘年
縣令沈士祿匾其門曰貞慈並著

栗氏西長固村民李平妻翁病割股以養邑令玉頴
士爲建廬而旌之作孝婦廬說見藝文志

牛氏寶公集柴助生妻夫歿遺孤一氏年二旬餘撫孤
成立矢志守貞邑令陳錫輅旌之

張氏史村故民王造妻夫故氏年二十二遺孤一人上
有老翁患癰症氏孝養不懈課子成名其後諸孫林
立家頗殷實行年七旬猶康健焉

雍正三年邑令李惇申請奉

首建坊旌表

王氏庠生或鶴齡繼妻庠生王良述之女夫歿氏年二十八無出輒毀容斂跡訓前室子孀守三十餘年迄今子爲國學生孫入邑庠人咸謂氏承先啟後之力居多云邑令陳錫輅旌其廬曰操凜冰霜

張氏潭頭村民王顯輝妻貢生張肯播季女年十七于歸未四載夫亡遺女甫數月其家爲嫠者四爲孤者三氏以一身支持艱辛備嘗苦節歷四十餘載邑令陳錫輅旌之

董氏庠生王玉書妻夫亡氏年二十八無出取夫胞姪
承緒爲後守節三十餘年玉書胞弟嗣謀亦早亡唯
遺一女妻王氏矢志守義日與董課女以鍼帶酒漿
之務現今六十三歲

李氏太常寺贊禮張大霖妻夫歿氏年十九歲一子琰
尙在孩抱氏矢志守貞上奉舅姑下撫幼子孝慈兼
盡苦節歷五十餘年督學給匾旌其門

黃氏庠生張聽妻夫故僅遺弱女一氏年二十七矢志
全貞每獨處痛心酸鼻舅姑前則怡然改容故舅姑
每與人言未嘗不歔歔稱氏孝迄今七十有一金石

之操如一日焉

賈氏毫城集劉之珠妻夫亡氏年二十八孝事翁姑不以貧寒易節現今八十六歲

劉氏楊佺妻副使問奇家孫婦也年二十一夫亡撫數月孤女兩立嗣子並歿孀守五十餘年邑令李惇旌其門曰操等松筠

菅氏南小屯村民鄭珠妻年二十七夫亡遺孤二太姑暨翁姑俱在堂恪盡婦道苦志孀守者五十餘年

王氏邑庠增廣生黃慎度妻濱州吏目黃勳長男婦也翁賦性嚴肅氏克敦婦道得其懽心姑嘗患病氏額

天祚代許冬單夏綿者三年姑病尋愈謂氏曰此汝
孝感所致也天必賜汝以福後氏三子伊任升任重
任暨孫著雍咸弱冠入庠督學表其廬曰女宗是式
壽九十二而終

康氏吳村民賈進道妻夫卒氏年二十矢志守貞上事
太翁姑及翁姑恪盡婦道迄今七十一歲

孟氏南野庄村儒童劉茂葉妻庠生孟良璧女夫亡氏
年二十遺孤毓美僅五月葬夫異其母勸以改適氏
曰旣爲劉氏婦無再嫁理若苦逼我惟有死耳母不
敢強翁姑相繼歿營葬如禮教子嚴肅孝義聲聞閭

里年七十三合終

楊氏邑民李廣矣妻年十八夫卒於外家亦貧氏紡績以供舅姑積蓄數年敬夫親屬類今七十二歲邑合陳錫輅旌其門曰梅骨松年

李氏東永建村劉聰妻夫亡氏年二十六遺孤甫數齡矢志守節者三十四年

王氏東永建村劉存仁妻年二十一夫亡無子女孝事舅姑苦節三十餘年人咸頌賢德焉

張氏王家庄王夢龍妻年二十一夫亡遺孤守信僅八月家道貧窶上有祖姑在堂姑性又悍屢詈氏矢志

不變迄今六十九歲子孫成立

黃氏孺童張法仲妻國學生黃之妻年十六于歸克
執婦道數年夫卒氏服闋以鞠養其孺身已一一兼
備當絕命時其夫目忽開頰與乃以取感異之邑令
陳錫輅旌其門曰節烈流芳

宋氏田氏集宋天貴妻夫亡無嗣氏以媳代子孝事翁
姑姑歿翁年八十餘抱病不能動移便溺穢污床褥
氏日爲滌除了無難色家貧甚精績彈綿竭力供甘
旨弗缺鄰里稱孝婦焉

王氏孺童張啟馨妻夫故遺孤一氏年二十一事翁姑

孝謹姑旋卒待諸叔與子無異同夫家世篤孝友同
爨者五十餘人氏和睦上下一無間言迄今五十九
歲守節三十九年邑令陳錫輅屢詳請表

楊氏南溝村里民王良孝妻年十八夫亡適月始生子
事舅姑恪盡婦道待幼叔不異其子一切養葬婚配
氏皆力爲營辦二親歿後每朔望日所遺衣冠偕叔
與子禮拜之守節四十三年迄今六十歲邑令陳錫
輅申請旌表

王氏小汪村儒童賈莪珍妻年二十夫亡遺孤未週歲
氏苦節堅貞上事翁姑下撫弱息孝慈罔替迄今六

十餘歲鄉里稱賢邑令李惇旌其門

董氏故民張克忠妻年二十二夫亡遺孤未週歲矢志守節年七十五令終邑令陳錫鞞旌其門

邵氏務兒頭村趙廷梅妻夫亡氏年二十一遺孤未週齡矢志守節直隸學院吳公襄以松筠高節旌之

李氏亳城集儒童崔玉柱妻孝廉李滋女夫亡氏年二十七遺孤顯仁甫三齡上事舅姑屢遭歲荒甘旨罔缺喪葬皆悉力營辦苦節三十四年大名兵憲趙公國麟匾其門曰閩內完人

王氏儒童李若梅妻年二十二夫亡無子女取胞姪煥

爲夫立嗣守節三十餘年直隸興院長公義旌其門
張氏劉家屯傳家婦年卅歲夫明病廢行五世孫女
及笄歸卹節克執婦道年三十夫卒得遺腹子景順
撫育成立有妻於陳氏孝事數年翁姑飲食服御無
缺年七十有三以節卒

王氏庠生馬鐘妻夫亡氏年二十有八孝養舅姑撫育
幼孤守節三十七年邑令旌賜旌旌焉

李氏庠生劉琳妻年二十四夫亡無子女可依事繼姑
以孝聞苦節歷數十年如一日

李氏龍家庄儒童劉聘妻夫亡氏年二十有三守節三

十有餘年

孟氏小屯村農劉生會妻年二十九夫亡舉遺腹子九
闔家道貧苦守節三十餘年

程氏西高城村邢中樞妻夫亡氏年二十二矢志守節
孝慈罔替苦節歷四十六年

于氏西高城村屬從水妻年二十六夫亡家貧無子母
氏勸其改適氏矢志守義立姪循良爲嗣苦節歷三
十六年

劉氏西高城村邢儉妻年二十一夫亡無子女有私爲
議婚者舅姑父母已許諾矣氏聞之仰天號泣手割

頸面血流露體誓死靡他其事方寢立夫胞姪可傳
繡其緒焉現今五十七歲鄉里公舉其狀邑令李瀆
旌之

許氏北流河村儒童業作舟婁作舟染疫而亡遺孤蔚
甫二齡氏年二十有六立志守節義方訓子早歲食
王勸鄰庠迄今年七十六歲

王氏增廣生黃升任妻夫逝氏年二十有八上奉二親
下撫孤息艱辛備嘗孝慈兼盡苦節四十餘年閭里
推運

張氏廩在賞延任妻少夫怙恃許聘殺翁姑亦逝十四

歲子歸於黃孝事祖翁姑及伯翁姑相夫佐讀每以
大成勸之年二十有五夫亡矢志柏舟撫孤鉞成立
誓年入庠迄今年近六旬履不踰閭鄰里稱節孝者
無閒言

王氏儒童劉曦妻李氏廩生劉曙妻娣姒和睦無閒王
年二十而寡子女俱無曙以次子雲會承曦祀已而
曙亦亡李年二十九歲與王氏偕事舅姑撫育二孤
今雲會爲博士弟子員而曙子亦勤學自勵人咸以
爲雙節之報

趙氏岳村故民焦炳妻年二十八夫亡舉遺腹子本立

孀守三十餘年邑令李滇旌曰節孝維風

聶氏華家營李英俊妻夫亡氏年二十二子女俱無立夫胞弟英美子爲嗣事祖翁姑及翁姑以孝聞苦節歷三十餘年

王氏次范集儒童馬兆徵妻夫亡氏年二十三無嗣矢志堅守及兆徵仲弟生子未彌月卽請於舅姑爲夫立嗣撫育成立

籍氏庠生胡國遇妻夫故氏年二十六矢志不二孝慈兼盡縣令學師咸給匾旌獎

馬氏小店集孫榮祖妻庠生有德之母也夫卒氏年二

十有九上事孀姑下育弱息艱辛備嘗時有母妣李氏亦寡家貧將改適氏力勸守義且收李子母於家待其成立而遣之成已成人邑令李慎深加獎異

宋氏顧家庄民徐復江妻年十九夫亡遺孤甫一齡家無恆產日事紡績以爲俯仰之資苦節歷四十餘年迄今六十一歲

董氏邑庠生魏夫命妻于歸克盡婦道年二十九夫卒無嗣矢志守貞立夫胞姪炎爲嗣撫育不異已出炎早年有聲於庠迄今氏年六十八歲婦德著於閭里

張氏邑庠生王琳妻夫卒氏年二十七輒閉閨毀容事

舅繼姑順從維謹課子振邦入庠苦節歷三十四年
戴氏趙村庠生胡江妻年二十五夫亡遺孤甫二齡矢志守義孝事翁姑其子胡其梅妻王氏亦以二十六歲頓喪其夫孀居三十餘載一門雙節邑令李溟旌其門

蘭氏監生王培珍妻監生蘭廷佐之長女也十七于歸事翁姑卽以孝聞年二十八夫卒無嗣祇事彌篤姑歿叔氏先亡躬自主喪盡哀盡禮閭里嘉之苦節歷三十餘年

楊氏小店集民張存公妻年二十四夫亡遺子女各一

有勸其改適者氏噬指自誓凡有甘旨貯以供姑不
少私其子女年五十八令終

氏庄頭村安九級妻年二十七夫亡遺孤藩補四輪
欲以死殉其姑痛謂氏曰吾老子幼將誰依氏頓悟
甘心守節每自餐糟糠而姑服食無缺迄今年六十
三守節歷三十六載

趙氏楚王鎮故民張其質妻夫亡氏年十九無子奚志
守義取夫胞姪大振爲嗣勤儉持家教嗣子讀書工
文食餼迄今年七十五歲邑侯陳錫輅旌其門曰
教冰心

賈氏羅珖之妻二十一歲守節孝姑姑病割肉療之愈
章氏張存德之妻夫傭工於外姑病思食肉氏割肱烹
以進病愈

李氏賈遇光之妻夫亡自縊 旌

張氏廩生黃金之妻夫亡身殉

丁氏韓三星之妻拒暴不辱死乾隆十四年旌

董氏左谷多之妻遭賊不辱死乾隆三十三年旌

郭氏東莊王時懋之妻貞節自守乾隆二十九年旌

列女傳續編

續采事件年分皆無可考今據城鄉聞見之冊略加詮次固無從詳求先後也

楊氏趙家庄冉鳳嶺繼妻同治六年十二月三十日於

匪張總愚之黨忽至邑境楊氏拋棄幼女扶姑避
旋經胞弟冉鳳山之妻王氏撞過此女號泣路旁
負而歸賊退一家團聚人以爲孝德之報

申氏西興善村袁發傑妻姑八十餘適染癰患氏問寢
視膳三年無倦意鄉里稱賢孝焉

趙氏西門劉文方妻十八歲于歸未逾年夫出外無
音信氏依堂叔國才度日未三載國才亦亡遺子女
二人均在襁褓氏竭力撫養藉織紡以供衣食及弟

成立妹及笄爲之嫁娶歷三十餘年夫自外歸覲面
不識經鄰老窮詰確實始團聚焉

常氏杜村董盤龍之妻姑病思肉適值亢旱禁宰殺氏
割左肱以進姑食之病遂愈知縣董慶恩旌表其門
周氏李公姬之妻姑年老有疾欲食肉家貧無以爲供
因割肱肉奉之姑病卽愈

張氏趙庄趙登名之妻性至孝姑病氏隱憂無計因私
割左肘爲丸奉姑食之病遂愈

司氏東生陳臬之妻邑庠生司克仁之女十八歲于歸
敬戒無違賢聲顯著時祖姑年邁孀居氏感慕奉養

十餘年無倦色姑暴得癰疽在背沾染被褥氏屢
洗滌不敢少懈同治七年避賊軍莊不以艱窘缺姑
甘旨姑病左右奉養三月夫嘗解衣及歿奉柩歸葬
祖塋其後奉事衰翁一如事姑之時現今夫婦皆七
十餘歲白首齊眉鄰里族人與及門諸士莫不稱賢
孝焉

王氏楊溝村人歲貢李芬之妻八九歲時祖廷美教以
女孝經頗曉大義及嫁奉養雙親勤於問視三十餘
年毫無惰容至於善處妯娌和睦姑姊鄰里莫不稱

頌

馬氏楊家庄監生司景嵩妾年二十五夫故痛甚觸夫棺血流覆面悲恸而言曰夫者天也夫故吾何以生爲氣絕復甦者三從此飲食不入口五日而亡面目如生

李氏東王庄王全周之妻有惡少窺家無人強欲污之氏罵不絕口自縊而死

劉氏郭溫之妻因客民周貴與氏口角穢語相詈氏氣忿自縊官爲申稟准其旌表給銀建坊

王氏管岳村儒童管天行妻二十二歲夫亡遺子大海娶妻亦王氏大海十五歲又亡其妻方十八歲

守節一八十餘歲卒一七十餘歲卒道光十五年

尊爲之申請建坊以旌之曰姑媳雙節

魏氏陳流村儒童陳林山妻年二十五夫亡遺孤三月
躬親撫養守節八十六歲卒事翁姑以孝聞教子孫
以義方子德成監生長孫臬廩膳生次孫殷附生曾
孫鶴齡附生道光十五年縣尊爲之申請建坊以旌
之

王氏庠生樊際青妻夫歿時氏年二十七歲遺一子教
以義方且善事舅姑知縣萬鎮之申請奉

育建坊入節孝祠

楊氏西永建儒童喬蘭亭妻年二十八夫亡遺一男二女相繼而亡氏處境愈苦守節愈堅迄今七十八歲已經申請未及建坊

郝氏高固村閻應鳳妻二十三歲夫亡守節七十歲而卒旌門立坊

杜氏李七紀村李元林妻二十四歲夫亡守節七十歲而卒旌門立坊

李氏蘇王尉村監生蘇瑞妻二十歲夫亡遺子居有義方閭里稱爲善人守節七十二歲而卒旌門立坊入節孝祠

民滑河屯梁學禮妻二十三歲夫亡矢志靡他撫孤
子慶祥成立延師訓誨得入邑庠其孫廷英入庠後
遺授內鄉縣訓導氏壽享八旬守節五十七年邑令
汪承慶申請奉

旨建坊

柴氏西張保村監生趙鳳閣妻夫亡氏二十四歲無子
立胞姪廷桂承嗣苦節自守八十六歲卒縣尊吳芳
齡申請旌表建坊入節孝祠

靳氏張頭集吳鳳妻二十八歲夫亡貞節自守織紡成
家撫子邦國納監六十八歲壽終縣尊楊恩銘申請

旌表建坊

張氏碾頭集人法珠妻二十五歲夫亡孝親恤幼守節
七十四歲卒已請旌表未嘗建坊

李氏西張保村趙逢源妻二十八歲夫亡教子有方
節自持現今八十五歲已請旌表未及建坊

董氏宛庄徐廷舉妻二十九歲夫亡遺三子俱幼勤於
紡績訓子讀書次子入邑庠壽八十五歲而終知縣
楊恩銘申請奉

旨建坊

王氏宛庄徐克勳妻二十四歲夫病水死立夫屍

嗣二十八歲又亡繼一孫氏與媳共撫之躬親織紡
苦節自甘至令六十八歲知縣吳芳齡申請奉

旨建坊

潘氏樊氏
今六十一歲有司建坊

高氏吳萬秋妻年二十八夫亡冰霜自勵操不可奪現
今六十八歲已請建坊

劉氏南門備書院總司妻二十四歲夫亡子女俱無矢
志靡他過胞姪春山承嗣愛如已出歷節四十六年
如一日焉現今七十歲鄉里皆稱賢孝邑宰楊公恩

西貢縣志 卷之三
三
八
銘申請奉

旨旌表建坊

王氏南門張麟瑞妻二十六歲夫亡矢志守節勤於織
紡教子讀書艱苦備嘗不因家貧改其操守其子桂
之得食餼焉氏七十四歲壽終邑宰吳公芳齡申請
奉

旨旌表建坊

鄭氏翟野羊村王國治妻二十一歲夫亡矢志守節其
翁年邁朝夕侍奉終無倦色現年六十一歲鄰里稱
孝邑宰楊恩銘申請奉

旨建坊

吳氏北門李簡之妻年二十七夫亡哀痛之甚幾不欲
生鄰佑親戚勸以子幼無人撫養非一死所能塞責
氏遂貧窮自守勤於織紡年七十六歲歷節四十
八年縣尊吳芳簡爲之請

旨建坊

徐氏北門沈化行妻年二十九夫亡賢孝性成操同冰
雪遇事必盡其誠前行教子耕讀其後子嗣繁衍守
節六十一年年九十歲縣尊李廷述爲之請

旨建坊

李氏王步雲妻年二十四夫亡孀丁孤苦苟延殘喘辛
勤紡織教子有方後一門興盛守節三十四年現年
五十八歲縣尊李廷述爲之請

旨建坊

周氏蘇容之妻年二十夫亡勤苦紡織孝養翁姑擇繼
承祧多方訓迪守節五十五年現年七十五歲縣尊
李廷述爲之請

旨建坊

賈氏李宗湯之妻年二十夫亡堅守靡他繼姪爲嗣教
養如同已出守節三十五年現年五十五歲縣尊李

廷述爲之請

旨建坊

鞏氏傅金鑑之妻年二十二夫亡家貧度日艱難勤於織紡自奉儉約不改其操守節三十年現年五十二歲縣尊楊恩銘爲之請

旨建坊

張氏從化里三甲黃鳴琳之妻年二十夫亡幾欲捐軀殉夫家人勸以翁姑未葬繼姑在堂宜代夫養生送死於是立志守節氏夫胞兄不善理家業叔歲買生黃爾鑑恐氏他年艱於資用使與兄分居隨舅所分

之產變賣過半獨自殯葬翁姑過從堂姪文生玉坊承嗣一志守節孝養繼姑孀居四十七年現六十七歲縣尊爲之請

旨建坊

蘇氏北溝村李國孝妻年二十二夫歿以夫兄次子仲爲嗣氏性端嚴不輕言笑每期望令諸孫輩環列庭前教以成家立業稍有過失輒不恕曰吾非刻薄成家者恐若輩比之匪人爲鄉黨笑耳沒之日年又旬邑令萬鎮之旌其門曰節勤雙全

范氏北關董好信妻二十一歲夫故無子孝順

紡勤勞繼嗣德新方二歲變適已出媿高氏二十歲
又寡無所出立志不二孝勤如姑范氏後得瘋病高
氏晝夜祈禱侍奉無倦學官表其門曰一門雙節

宗氏西門儒童李金渠妻二十歲夫故無嗣孝事孀姑
無倦容撫恤姪輩愈已出矢志靡他以苦節終學官
旌其門曰柏舟流芳

王氏邑庠生田澄金妻二十三歲夫故孝事父母矢志
守節至七十七歲終邑宰陳岳旌表其門

李氏田富興妻二十四歲夫故家慕貧勤紡織以事姑
年六十四歲以節孝終知縣董慶恩旌表其門

范氏石盤村邵建爵妻二十四歲夫故矢志堅守孝慈兼盡八十餘歲履不踰閭道光八年知縣蔡旌表其門曰清節可嘉

高氏劉家庄劉富吉妻十八歲孀居貞節自守奉事翁姑卒年八十六歲邑宰吳公贈完孝全貞匾以光門第

桑氏下庄卞廷武妻于歸一月夫亡家貧織績爲業過堂弟之子爲嗣與之娶妻生子氏六十餘歲知縣章慶保旌其門曰冰潔松操

李氏楚王鎮于廷舉妻二十五歲孀居子甫四歲撫養

成人延師課讀同治五年知縣吳芳齡旌其門曰勁節維風卒年六十九歲

張氏段庄賈西峯妻二十歲夫亡無出亦無兄弟可依爲翁娶妾生二弟皆成立守節終身知縣楊恩銘旌表其門

牛氏竇公集柴九榮妻二十六歲夫亡守節五十一年有司旌表其門

周氏司韓村拔貢郭景愈妻二十八歲夫亡撫育孤子矢志靡他勵節終身知縣郭嬰旌其門曰撫孤完節
孫氏石盤屯村劉海妻二十三歲夫亡家惟一老翁氏

朝夕善事且微窺翁之精神猶爽氣力尙強因勸翁
繼娶疆而後可生三男一女翁歿氏小心謹慎撫養
夫弟三人延師課讀成就功名妹成人出嫁皆氏一
人照料縣尊旌表其門曰善全節孝

王氏楚旺鎮趙彥徵繼室夫亡守節終身縣令程公旌
其門曰畫荻清操

劉氏楚旺鎮趙棟妻夫亡矢志守節始終無二府尊旌
其門曰松筠晚翠

苗氏太史村王鳳閣妻二十歲夫亡至今七十歲守
節五十餘年

趙氏太史村王亭閣妻二十七歲夫亡至今五十餘年
以守節終

王氏西史村王鳳閣妻十八歲夫亡於今七十四歲邑
宰董公旌其門曰苦節堪嘉

蘇氏石盤村李文序妻十九歲孀居善事翁姑苦節自
守卒年七十四歲知縣李廷述旌表其門

崔氏土鎮村翟天保妻年二十七夫亡歷節五十二年
知縣董慶恩旌表其門

王氏西門儒童杜芳洲妻年二十夫故奉養衰姑毫無
倦色憂承祧無人善言勸母擇堂姪慶祥爲子延師

教讀後亦成立鄉人嘉其所見者大

吳氏西關王振山妻年二十餘夫亡殷勤紡織艱苦備嘗姑病割股以進其疾隨愈苦節三十餘年

王氏西郭外張綸言妻結褵四載龜山擾亂夫出師陣亡聞訃卽欲自經姑曰汝若死爾子何依氏勉從親命仰事俯畜克盡慈孝淑慎其身足不踰閭至今六十五歲終始如一日

高氏譚善儀村儒童李榮福妻十七歲夫故事姑最孝冬則以身溫被夏則執扇卻暑雖便溺污穢無不親手滌除姑年高失明起居出入扶持無倦邑鄰里以

節孝稱

林氏石盤村邵學修繼妻歲貢林煦之女于歸後未幾兩月夫亡孝事翁姑家綦貧見翁姑偶食粗糲輒流涕飲泣又善和妯娌待姪女如已出年近七十猶身親紡織勤儉如初鄰里鄉黨稱節孝者無閒言

周氏劉庄司元良妻二十歲孀居家貧守節無異志事姑最孝姑病服藥不效割股肉入藥壺內煎之姑服之即愈八十而終

孫氏張家海村張連三妻二十六歲夫亡子甫週歲家貧如洗以織紡度日撫幼子成立一生苦節堅如金

石卒年六十三歲

任氏田氏集侯景岳妻二十二歲夫亡無子歷節五十餘年

師氏七級村趙津之妻二十二歲夫亡遺子桂枝方二歲孝慈兼盡阨窮萬狀歷節五十餘年其媳都氏幼入女學嫻於姆教于歸八年而寡遺子玉奇方五月氏慈撫弱孤訓以習武入邑庠尤善事孀姑歷節三十餘年與姑同其堅貞一門雙節鄰里奇之

李氏北溝村李信妻年三十歲孀居無嗣以長兄次子生春爲嗣孝事父母尤以上達爲子姪勸嗣子沒葬

諸孫成立後次孫哲曾孫香遠俱遊泮卒年七十八
田氏甘家庄甘珩妻年二十二夫亡孀居無嗣養前室
女如已出以夫兄長子爲嗣教有義方過失必撻楚
不貸望其成立艱苦備嘗卒年八十三歲

王氏北溝村李傑妻年二十八夫故孀居無出矢志靡
他以夫兄俊次子貢元生秀爲嗣家頗優足而自奉

儉約夫沒時以私囊散諸姪不留以私嗣子嗣子生

秀恪守遺命忠厚持家同胞四人與兄生榮等最相
友愛析居時甘讓等分獨鄰皆慕義焉至今孫作
梅食餼姪孫作霖游泮
人以氏之遺教所致

葛氏西門儒童李恩科妻二十三歲夫亡遺孤未滿一

內黃縣志 卷之五 風俗 三
週氏撫孤事親矢志靡他守節終身焉

尹氏西門營兵李清懷妻二十八歲夫出師提河寨陣
亡遺孤文潔尙未週歲氏矢志撫育孝事翁姑終身
不衰苦節三十二年

王氏西門儒童沈丕興妻二十七歲夫故子甫四歲翁
姑在堂事親教子誓不他適守節四十一年

張氏劉士榮妻十七于歸二十九夫卒遺二子之孀之
剛家貧紡織度日苦節歷四十餘年

黃氏儒童田澄華繼室二十八歲夫故其姑失明朝夕
奉事不離左右且義方教子二子與孫俱入邑庠八

十四歲以節孝終

李氏業儒邵運昌妻二十六歲夫故矢志不二孝事翁姑歷節四十餘年六十七歲而終

邵氏南羊塢勾永禎妻二十九歲孀居孝事翁姑教子有方持家勤儉和睦妯娌歷節四十餘年如一日焉

李氏東庄許五妻二十五歲夫故家貧無嗣或勸其改適氏以翁年七旬奉事無人日夜織紡不出閨闈翁卒依親戚以養餘生苦節四十九年

馬氏范羊村劉作繆妻其夫十四歲入邑庠十八身亡氏年二十一歲無出抱養一子愛逾親生恪守閨闈

孝事翁姑數十年如一日焉

劉氏劉家庄司金良妻二十四歲夫亡無出適一近支
爲嗣矢志守節卒年七十六歲

侯氏舊縣村儒童馮國治妻二十七歲夫故遺一子又
亡擇堂姪孫與子承嗣氏矢志守義孝事翁姑撫養
繼孫以節孝終

劉氏北流河村柴長清妻年二十三夫亡子甫四歲翁
姑衰老家甚貧藉織紡以奉親宗族鄉黨咸稱其孝
龍氏大度村張夢魁妻年二十四夫亡只遺一女過族
姪隨龍爲嗣八十三歲以節孝終

岳氏漢隄村儒童黃鳳石妻監生岳中秀之女年二十一歲夫亡家貧藉織紡以孝親矢志靡他卒年六十二歲

崔氏西野庄武生左冠軍妻年二十八夫亡遺二子長子溺水死氏不勝哀慟次子行之不使出門延師課讀恩義兼全愛勞畢至守節八十二歲卒

吳氏李七紀村李王辰妻二十歲夫亡守節六十五歲而卒

李氏蘇王尉村沈克湛妻二十三歲夫亡遺一子守節七十五歲而卒

張氏蘇王尉村蘇克建妻二十五歲夫亡守節七十八

歲而卒

胡氏南張保村石成璧妻二十三歲夫卒歷節六十二歲暨媳張氏石光榮妻二十七歲夫卒歷節四十二年

盧氏南張保村汪鳳春妻二十九歲夫卒守節三十二年

田氏東長固村張景忠妻二十歲夫亡奉事雙親恪盡婦道翁病甚服藥不效氏焚香祝告情願割肉奉親祝畢用牙齧左臄肉以進當時親不知食之甚美其病漸愈至今百有餘年耆老猶傳述焉

蘇氏李小汪村李繼文妻二十五歲夫亡無子矢志靡他過堂姪維新爲嗣氏七十二歲壽終

曹氏吉村孫大經妻十九歲子歸未及一週夫亡無子過姪爲嗣善事翁姑未幾翁姑俱亡繼子亦歿繼續爲業苦節終身

徐氏東同住村王煥章妻二十七歲夫亡親逾六旬子甫週歲事親克孝教子升堂身入邑庠六十六歲而終

李氏李樓村業儒李芸閣妻十八歲夫亡無出過堂姪爲嗣善事翁姑勤於紡織壽七十五歲終

趙氏張龍村廩生申東魯妻二十八歲夫亡無子有異
母弟繼室燕氏年二十四歲娶未一週夫亡亦無子
與趙氏同心守貞而趙氏之賢更異有夫弟東濱方
二歲失怙恃趙氏育如己出爲之娶妻生子七人趙
氏過其長子爲嗣燕氏過其次子爲嗣趙氏壽七十
五終燕氏壽七十一終一門雙節世所罕有

張氏東興善村馮養正妻二十三歲夫亡無子善事翁
姑矢志靡他家貧織績爲業貞潔固守不改初志終
年六十六歲

耿氏碾頭集楊廣文妻二十歲夫亡守節七十二歲而

卒家貧無嗣族孫楊芳春爲之殮

吳氏礮頭集卜新傳妻二十五歲夫故家貧無子苦節四十年而卒

劉氏礮頭集吳殿玉妻二十八歲夫故遺子萬育撫養成立守節三十七年而歿

王氏礮頭集卜太安妻二十三歲夫故孝順翁姑過姪爲嗣守節七十餘歲卒

卜氏礮頭集吳青蓮妻二十四歲夫故遺一子撫育成
立守節五十餘年卒

高氏南張保陳省妻二十四歲夫亡子女俱無以紡織

度日孝事翁姑始終如一守節五十一年而卒

馬氏南張村石金柱妻二十五歲夫故無子孝事翁姑
翁死時自主喪事哀禮兼盡平生口無過言以守節
終

胡氏南張保盧天樞妻二十九歲夫故遺三子俱幼翁
姑年老氏養老撫孤和睦鄉里七十四歲卒

宋氏北張保村十六歲于歸九日夫故矢志靡他五十
三歲卒

常氏東長固村樊清和妻二十二歲夫亡守節四十九
年

紀氏楚旺鎮從九祝南國妻小店集進士紀聞歌孫女
三十歲夫故孝順翁姑兼有學問勵志守節凡四十
四年

王氏楚旺鎮李萬霖妻二十二歲孀居子方週歲撫養
成人孝事翁姑八十七歲卒

賈氏南門張楠之妻二十三歲夫故遺一子家貧織紡
度日子又亡氏撫恤其孫始成家業一生勵節堅不
可奪七十三歲而終

馬氏生員王蘅芬繼室年二十六夫亡無子育姪爲嗣
孝事翁姑督子就傅早年入庠及翁姑棄世安排葬

具無不周至搜年長事之若姑里中有賢婦之稱年
五十二歲卒

盧氏漢晁村黃明妻年十九夫亡孝事翁姑和睦鄰里
擇其姪鳴鐘承嗣孀居六十三歲卒

潘氏龍家庄支瑞妻十七歲夫溺水死家貧翁又多病
姑雙目失明有少妹二幼弟二氏上事翁姑愛恤少
妹幼弟後以幼弟子文林爲嗣卒年七十四歲

周氏王來桐妻二十九歲其夫在清邑大屯墮亡遺一
子甫十月孝慈兼盡守節終身

賈氏院子村劉萬祥妻二十七歲夫亡苦節自守五生

七歲卒

吳氏南長固村崔岷妻二十八歲夫亡溫柔成性格守
閨範孀居六十七歲卒

楊氏碾頭集吳旺國妻十八歲夫亡無出嗣子又亡辛
苦備嘗矢志靡他六十八歲卒

姜氏杜甘固村杜五臣妻二十四歲夫亡家貧無子勤
儉自守矢志靡他七十八歲卒

關氏大楊庄楊德成妻二十二歲夫亡撫弱息成立守
節八十歲而終

何氏馬召村馬天賢妻年二十三夫亡撫育幼子善事

衰姑守節六十四歲而終

張氏大南洞村馬萬家妻年二十九夫亡遺孤三週上有孀姑家無恆產紡績度日俾子龍章入泮苦節五十五年壽八十四歲而終

李氏遷民屯霍昌運妻年二十一夫亡貞節自守七十餘歲卒

張氏南張保村盧天俊妻二十五歲夫亡恪守婦道苦節自持八十五歲卒

葛氏西張保村張元亨妻二十五歲夫亡貞節自守勤儉治家七十八歲卒

趙氏西張保村葛守義妻二十二歲夫亡遺一子尙幼
孝事翁姑撫養孤子八十六歲卒

李氏新集村劉申曾妻二十歲夫亡子女全無矢志守
節五十四歲卒

王氏王家庄王黑風妻二十三歲夫亡立志守節紡績
度日卒年六十九歲

王氏北門生員李景臺妻二十五歲夫亡遺一子週歲
事姑盡孝育子有方年五十六歲卒

苗氏王溝村王日新妻二十一歲夫亡奉事翁姑孝養
不衰卒年六十歲

曹氏張固村康煥之妻十七歲夫亡孝奉庶姑織紡度日矢志五十餘年以守節終

鄧氏尹汪村王法運妻二十七歲夫亡遺一子尙幼守節六十一歲

王氏南流河武國榮妻二十三歲夫亡固守其節四十餘年

蘇氏翟野羊張金彥繼室二十歲夫亡上事雙親下撫前室之子守節四十餘年終

楊氏流庄李彥龍妻年二十夫亡翁逾六旬子未一週事翁盡孝教子成家七十四歲卒

單氏石盤村邵宗魯妻二十三歲夫亡子女俱無勵志
守節孝事孀姑慈恤嗣子卒年七十五歲

郭氏趙固村李耀先妻二十一歲夫亡家貧無嗣孝事
翁姑身勤織紡守節五十餘年

史氏楚旺鎮葛英妻二十八歲夫亡遺二子長八歲次
二齡上有翁姑生事死葬靡不盡力歷節四十年六
十八歲而卒

王氏周庄李文華妻二十二歲夫亡無嗣勵志守節八
十歲卒

王氏周庄周紳妻二十五歲夫亡家貧以儉持家以勤

教子卒年六十五歲

李氏湯王廟李永賜妻三十歲夫亡家貧孝事翁姑以勤儉教子卒年八十歲

閻氏泊口營華在倉妻二十五歲夫亡撫弱息成立守節七十三歲卒

袁氏東庄集張楹妻年十九夫亡無子矢志靡他擇夫姪振邦承嗣七十八歲卒

王氏大固縣村張桐妻二十五歲夫亡矢志守義擇夫胞姪承嗣七十一歲卒

蘇氏大固縣村馬太運妻二十七歲夫亡遺子天和撫

育成立紡織不懈孀居七十歲卒

王氏甘庄郭文煥妻二十三歲夫亡子女皆無矢志靡他過胞姪承嗣業已入泮氏艱苦備嘗七十歲卒

賈氏馬次范村李有妻年二十四夫亡矢志守義勵節三十九年卒年六十三歲

管氏馬次范村李學舜妻二十五歲孀居老家貧子甫四歲上事孀姑下慈幼子年五十大歲以節孝繼繼氏劉秉成妻十九歲孀居三年之內翁姑繼亡祖父母皆七十餘歲氏日勤紡織以餬祖父母鄉黨咸頌其賢七十三歲卒

鐵氏大村王成美妻二十三歲夫亡遺子三歲奉順翁姑
婿撫育幼子夫弟之婦失明無依時時體恤三十餘
年矢志不衰七十八歲終

周氏大南洞村儒童王兆久妻年二十二夫亡遺一子
方二齡氏上孝雙親下撫孤子歷苦節五十一年又
樂善好周濟貧乏年七十三歲終

鐵氏大村王成寬妻年二十三夫溺水死子逢寅甫三
歲弟婦侯氏失明視如姊妹和睦終身孝順翁姑恪
守婦道年八十三歲卒

李氏大村蘭玉妻二十一歲夫亡無出和睦妯娌孝順

翁姑年六十四歲卒

劉氏西張保村趙有武妻二十歲夫亡遺一子守法方一歲矢志靡他孝事翁姑生養死葬七十六歲卒

卞氏礪頭集賈進禮妻年二十七夫亡遺一女翁姑衰老家甚貧生事死葬始終無倦時其嫂亦亡遺一子二女氏撫育之爲姪娶妻生子女出嫁如同已出歷節五十餘年鄉里樂爲稱道

吳氏王家庄高鳳林妻年二十五夫亡遺二子在襁褓中氏撫育之矢志靡他歷節三十餘年

劉氏王家庄王希斌妻年二十一夫亡遺一子尙幼氏

撫育之矢志靡他歷節四十三年

崔氏東莊集高金聲妻二十四歲夫亡迄今六十八歲
歷節四十餘年

劉氏吳村魏景泰妻二十七歲夫亡遺幼子八歲姑六十餘歲奉姑有道教子有方苦節自守七十二歲卒

鐵氏楊流村楊秀春妻二十二歲夫亡恪守閨範善事翁姑卒年五十七歲

張氏南溝村李東周妻于歸三月夫亡氏年二十二歲
善事翁姑以守節終

楊氏北門馬德配妻年二十四夫亡子女全無孝順翁

姑和睦妯娌現今七十五歲

劉氏北關張天保妻二十五歲夫亡守節事姑至孝姑病思肉家貧無資自割左股肉以進姑病卽愈後姑死竭力安葬年四十一歲而終

氏東大黃灘村王梅妻二十三歲夫亡孝事翁姑家漸貧永無異志

趙氏宛庄徐希禹妻其母孀居乏嗣氏勤於探望孝事左右無不誠敬臨別往往流涕母病禱於神願以已壽益母兼願喫齋終身病愈行如其言壽八十五歲而卒計六十餘年輩辛絕未入口鄰里稱孝無閒言

趙氏杜流村三天福妻三十七歲夫亡家極貧矢志守節現今七十四歲

宋氏杜流村杜學周妻三十歲夫亡撫孤守節勵志日堅現今七十六歲

梁氏張家海村張恆妻二十七歲夫亡矢志守節孝事孀姑以夫兄次子監生鴻吉爲嗣視如己子現今六十四歲

王氏東門武生栗鳳舞妻二十四歲夫亡撫孤度日現今七十三歲守節已四十九年

崔氏劉次范村劉得名妻二十五歲夫亡遺孤金鐸甫

七月孀姑五十餘歲家貧氏冰霜勵操紡織餬口教子義方弗納於邪稍長命就學受書雖其子入庠爲增廣生氏念及平生遭際猶涕泗交流焉

秦氏北溝村李棟妻年二十五夫沒以夫兄次子丕顯爲嗣氏性端莊恪守闈訓邇年不出戶庭母家一貧如洗嗣子篤親親之義每以財相濟氏輒不悅曰人生貴自立他財豈能久耶吾不爲若輩累吾子也事姑以孝聞內外無間言現年六十歲

常氏西門沈克恭妻二十九歲夫故遺一女未滿一歲氏勤於織紡事老恤幼現年六十九歲

董氏西永建村喬送歌妻夫亡氏年二十八歲零丁孤苦不改其節至今七十八歲

盧氏西永建村馮同善妻夫亡氏年三十歲翁姑衰邁奉養殷勤守節至今七十八歲

張氏西永建村喬月華妻年二十四夫亡無子過族弟構亭之三子還洲爲嗣娶媳陳氏還洲十六歲卒陳氏年十八歲無子始孀零丁孤苦備歷艱辛及姑年邁養老送終俱賴陳氏經理張氏守節八十六歲卒

陳氏守節現五十三歲

段氏西永建村李續成妻年二十一夫亡艱苦備嘗貞節

自守至今六十六歲

許氏西永建村馮六書妻三十歲夫亡窮困自守不改其節至今六十二歲

王氏西永建村馮麟書妻年三十夫隨馬興家在清邑打仗身亡子幼僅有田五畝欲糞其田無車輛牲口盛以口俯親身負之且掘地代耕農業之苦無不備嘗甚至衣食不給饑寒不免愈艱苦愈堅貞一生勤儉守節五十九年

蘇氏西柴庄柴冬成妻二十四歲夫故無出惟孀姑在堂適得癩症不能離床冬與暖被夏與打扇二十餘

年曲慰姑心毫無懈怠鄉鄰共稱其賢

張氏樊村李自正妻二十七歲夫亡氏孝事翁姑卒時
喪葬盡禮有姪三人氏俱爲之娶妻現今八十六歲
連氏杜河村申萬義妻二十二歲夫亡遺一子守節現
今已七十二歲

王氏西長固張存儉妻二十五歲夫亡氏孝事翁姑養
生送死無不盡禮過堂弟次子爲嗣視如親生現今
七十七歲依然強壯

李氏神標村申金良妻年二十一夫亡家貧守節至苦
事翁姑至孝可謂節孝雙全至今六十三歲

李氏來來村藉麥貴妻年二十夫亡上事翁姑下撫
女矢志終身孤苦守節現今八十九歲

趙氏岳次范村岳崑妻二十五歲夫亡甘旨供親疏水
自奉孀居至今七十八歲

燕氏東門趙玉璽妻二十歲夫亡無出立夫胞姪爲嗣
苦節孀守至今六十八歲

張氏東門趙玉衡妻二十五歲夫亡無出苦守貞節現
今五十八歲

賈氏碼頭集吳殿榮妻二十八歲夫亡性情溫柔妯娌
和睦現今六十九歲

劉氏石瓊村增生王法炳繼室二十七歲夫亡遺孤尙幼孝事翁姑勵志守節現今六十一歲

孟氏南田氏村廩生朱作善妻二十九歲夫亡堅貞守節堪擬柏舟又延師教子彭齡弱冠入庠現今七十二歲

張氏東田氏村樊九思妻十九歲夫亡遺一子甫二齡一女未週撫育雙孤矢志靡他未幾子女俱夭氏不欲生轉念祖姑無依立即惺悟孝事祖姑現今六十五歲

許氏東田氏村樊九和妻二十一歲夫故遺一子僅數

月矢志不二孝親撫孤現今六十六歲

張氏大朋固村趙明忠妻二十五歲夫亡無子以夫胞姪承嗣現年七十四歲

吳氏西張保村張元福妻二十七歲夫亡孝慈兼盡冰霜自持現今六十三歲

李氏大村鐵天清妻十七歲于歸越九日夫亡貞節自守孝事翁姑孀居至今五十餘歲

王氏神標村申文元妻年二十六夫亡勵志守節事姑最孝現今六十五歲

李氏杏園村李元相繼妻年二十一夫亡事翁姑至孝

愛育前妻之子異常尤摯今年六十七歲

王氏湯王廟村張雲集妻年二十三夫亡守節無子爲
翁娶妾連生三子翁故氏撫幼弟延師教讀治家有
法家業賴以不墜今年六十五歲

朱氏北關薛魁妻年二十九夫亡矢志守節勤儉持家
和睦親族現今七十九歲

梁氏北關張福成妻年二十八夫亡孝順翁姑和睦親
族現今六十一歲

李氏樊里長屯生員劉達妾年二十八夫亡守節子女
全無以胞姪監生文彥爲嗣年方五歲扶孤成家規

年六十八歲

常氏北門宗鳳妻年二十八夫亡守節子坊五歲至十
三歲而夭隻身度日一生勤儉現年六十五歲

李氏北門劉庚午妻年二十九夫亡事祖母至孝現年
八十五歲

秦氏王溝村王瑞妻年二十二夫亡滅跡毀容奉親撫
孤孝慈兼盡三十年如一日與今六十八歲

宗氏南流河村魏五之妻年二十六夫亡守節至今六
十有餘

章氏張容松妻二十未五歲夫亡無子遷旁支爲嗣撫養

成立守節至今八十六歲

秦氏張九成妻二十七歲夫亡撫弱息成立守節至今六十歲

王氏黨芳妻三十歲夫亡撫弱息成立現年七十七歲
黃氏泊口營華百用妻二十五歲夫亡遺子遵奉教子
有方身入邑庠現年七十八歲

李氏馬召村游日昭妻年二十三夫亡無子矢志靡他
孝事翁姑歷節三十六年現令五十九歲

郭氏毛韓村毛鵬南妻二十一歲夫亡歷節五十二年
現七十六歲

馬氏南門史金魁妻三十歲夫亡遺三子尙幼孝事其翁無子成立一生勵節堅如金石鄰里共稱其賢現今七十六歲

周氏西野莊村左萬良妻二十六歲夫亡無出嗣子又早卒家貧採薪以爨剝荼而食備嘗艱辛卒不改其操現年六十八歲

平氏太平村張子侯妻夫亡年二十五度日艱難矢志守節至今八十三歲

劉氏莊頭村袁敏道妻年二十一夫亡無子選夫胞弟次子獻爲嗣氏事親至孝教子入庠現年六十五

歲

馬氏大渡村李成林妻年二十六夫亡無出孝順翁姑
善理家業每歲餘資濟貧不吝鄰里共稱賢孝現今
六十三歲

邵氏馬固村尚天義妻年二十五夫亡子起周方一歲
善事翁姑和睦妯娌氏有啞弟恩養周至始得成人
後啞弟事邵氏亦如親母族人街巷稱爲孝友現今
七十一歲

田氏馬固村李高傑妻年二十八夫亡子臨科方三歲
撫恤孤子孝順翁姑和睦妯娌現今八十歲

王氏譚善儀村孫積善妻年二十七夫亡矢志守節孀居四十餘年勤儉不懈

姜氏賈公集柴玉珠妻二十五歲夫亡子女俱無松筠節操矢志靡他過旁支柴長庚爲嗣如同已出現年七十歲猶康健焉

王氏田遠村顧枕書妻二十一歲夫亡勵志守節始終不二孀居五十年迄今六十九歲

韓氏張鶯鳴村張中秀妻年二十一夫亡恪守閨範孝事翁姑矢志靡他過夫胞姪書爲嗣守節六十二年現八十三歲

李氏趙信村呂永貞妻二十八歲夫亡子女俱無翁姑
衰邁氏朝夕奉養翁姑有恙煎湯服藥一時不懈未
幾翁姑繼亡祖塋無地氏復建新塋將二老入葬善
始善終節孝雙全

郭氏泊口集陳文炳妻夫亡撫弱息成立現年八十五
歲守節五十七年

薛氏南門口監生張文煥妻夫亡子女皆無氏與姑徙
居一室以便奉養姑病焚香夜禱北斗月餘不倦姑
病漸愈且相舟自矢歷節三十二年現年五十七歲
邑令吳清庚申請旌表

丙黃縣志卷十六

藝文

上冊

制誥

書奏

方志之輯藝文非徒採藻摛華矜才筆也必將有以
闡道義敘彝倫紀民風儲故實爲一邑文獻之徵焉
是編遠溯黃誥備詳綸詔隻字堪寶九鼎爲輕矣若
夫日食之對肉刑之奏張宏慎議取突厥傅獻簡請
竄讒人說經鏗鏗執論侃侃責難陳善史冊之光所
謂金石泐有時文字終古不磨滅者非歟記序之作
意在勸懲間及詩賦必關事蹟毋漏毋濫作藝文志

制誥

周

穆王黃澤謠一首

黃之池其馬歛沙皇人威儀黃之澤其馬歛玉皇人壽

穀

漢

光武戒馮勤璽書一首

朱浮上不忠於君下陵轢同列竟以中傷至今死生吉凶未可知豈不惜哉人臣放逐受誅雖復追加賞賜賻祭不足以償不貲之身忠臣孝子覽照前世以爲鏡鑑能盡忠於國事君無二則爵賞光乎當世功名列於不

朽可不勉哉

詔杜喬爲丹水長一首

詔曰公侯子孫必復其始賢者之後宜宰城邑其以喬爲丹水長

陳

宣帝祭比干廟文一首

宣帝所祭未定爲黃邑之廟舊志所有姑存之

自獨夫肆虐天下崩離觀竅剖心固守誠節忠踰白日義概秋天義皇已來一人而已見馬卿之賦恨不同時聞李牧之名願以爲將九泉不作恨深千古聊申薄祭

君其饗諸

宋

太祖勅重建商王廟碑文右拾遺梁周翰代撰

眇觀上古選聽前王尊盧粟陸之代興燧人有巢之更
王皇猷允塞五帝步而同驅盛德光亨三王驟而並軌
言至治者乃稱其茂烈語聖嗣者必本其鴻源雖子孫
垂裕而克昌以昏明繼世而迭有載籍具在可得而言
按商本紀帝太戊契二十一代之孫商雍已之弟司徒
事夏佐治水而有功天乙勤商征諸侯而受命惟帝克
大祖宗之業生知皇王之道臨下有赫在上不驕休光
炳然煒煌耀世皇家有天下十五載王塗無外地理有

光文德誕敷遠人來格武功大定凶族咸劉惠澤沛於
黎元和氣煦於昆蟄恢禹跡之遐里復中州之故封蠻
貉之征歲紀職方之籍象骨之譯時踐藁街之庭加以
天下大甯海內如砥陰陽水旱罕值於天災山川鬼神
必助於聖祚郊邱備物之祀祖考孝思之誠三陞紫壇
親奠蒼璧帝王之能事畢舉邦國之墜典聿修爵鄧侯
之孫興廢見乎厚德封皇帝之後繼絕表於至仁居一
日皇帝若曰歷代帝王各膺歷數驪翰共於光躅正朔
被於中原雖年祀浸遐而園寢尙在瘞錢盡發穿窬者
往焉陵土皆抔樵蘇者弗禁朕用震悼豈忘寤興有陵

墓之處宜令並禁樵採仍各建祠廟一所務盡宏壯光
靈賁於萬古皇明昭於九幽粵以開寶辛未歲經始以
壬申歲畢工事越非常功存不朽太平之享遂秩於中
祠二簋之誠必更乎儉禮至於登豆之器祝史之辭率
非舊章皆用新典當使泯然之俗紛若之巫禱請天時
將有豚麋之愧謹譁神宇益知銅鼓之非將鏤貞珉以
觀永代臣仰承睿旨實寡英辭採舊史以披文但瞻陳
迹染柔毫而敘事終玷清芬拜手颺言謹作銘曰司徒
佐禹聖謨有裕成湯勤商王業云昌祖宗昭顯子孫蕃
衍盛德聿興元猷允升世去千古陵荒無主廟貌不陳

禱祀何人皇鑑昭晰興廢繼絕陵樹無蒸德音孔昭乃
與大構以資元祐端拱向明凜然如生載披青簡帝文
炳煥桑穀生朝旦暮惟喬修已禳慝妖不勝德君道光
常休有烈光禮文載秩宣揚茂實碑於廟門終古其存

○明

太祖諭祭商中宗陵文二道

曩者有元失馭天下紛紜朕由此集眾平亂統一天下
今已四年矣稽諸古典自堯舜繼天立極列聖相傳爲
蒸民主者陵各有在雖去古千百餘歲時君當修祀之
朕典百神之祀故遣官齋牲醴奠祭修陵君靈不昧尙

惟歆饗

惟神功加當時德垂後世陵寢所在仰止益虔朕有天
下凡古帝王陵廟所在嘗勅有司時加修飭春秋致祭
尙慮尊崇之禮有所未至茲惟仲秋特命道士王恩溥
恭詣陵廟致祭自今以後朝廷三年一遣官行事永爲
常式神其鑒知

英宗勅戶部主事牛順父母文各一道

勅南京鎮衛經歷王暹父母文各一道

憲宗諭祭商中宗陵文一道

昔者代天明命相繼爲君代天理物無有貶褒等倫攸

敘井井繩繩自今承之生民多福恩不忘報茲特遣使
賫捧香幣祇命有司詣陵致祭惟王英靈來歆來格
勅行人司司正李能父母文各一道

勅南京戶部主事紀振父母文各一道

孝宗諭祭商中宗陵文一道

惟王道隆守成功光前烈茲子嗣統景仰惟深謹用祭
告

世宗勅山東濟南府海豐縣知縣王訓父母文各一道
勅山東道監察御史張問行父母文各一道

誥陝西按察司副使張問行父母文各一道

穆宗諭祭都御史張問行文一道

惟爾器宇宏深性資簡朴服官中外志每切於匡時歷
職清華心惟存於履素秉憲臺而風裁懋著凝然綱總
攸司在邊陲而威望遠孚允矣干城有賴清心亮節歷
終始而弗渝利器宏才當盤錯而益裕未隆柄用竟爾
沈淪賤往勛之可嘉顧錫恩之未逮爰從輿論用闡幽
光祭典寵頒爾靈歆服

勅大理寺右評事任進道及父母文各一道

勅江西南昌府推官劉光祚及父母文各一道

勅贈行人司行人黃吉士父黃流文一道

勅贈兵馬司指揮張廣大父張臺甫文一道

勅西城兵馬司兵馬楊中科文一道

神宗諭祭商中宗陵文二道

予維神聖挺生繼天立極人文宣著澤被無疆茲予叨
嗣丕圖式修明祀仰祈監佑祚我邦家

追維明德奉天撫民盛治宏勳萬世永賴陵寢所在英
爽如存茲特遣使齋捧香幣祇命有司致祭惟王鑒歆
勅河南汜水縣知縣張中侯及父母文各一道

勅文林郎河南魯山縣知縣陳九疇及父母文各一道
勅浙江道監察御史黃吉士及父母文各一道

熹宗勅山東道監察御史陳九疇及父母文各一道

誥奉直大夫工部員外郎司廼疆及父母文各一道

誥通議大夫刑部左侍郎陳九疇及祖父母父母文各
一道

莊烈帝諭祭商中宗陵文一道

維王儉勤肇祚與子安民駿烈神功萬世永賴茲予敬
承天序明祀式修惟祈鑒歆邦家是佑

勅河南林縣知縣馬習元父母文各一道

勅戶部廣西清吏司主事馬習元父母文各一道

國朝

世祖章皇帝諭祭商中祭陵文一道

自古帝王受天明命繼道統而新治統聖賢代起先後
一揆功業垂於天地如日星朕誕膺天眷紹繼丕基景慕
前徽圖維濟濟明明禮大典函宜肇隆敬遣尚官代將牲
帛爰修嚴潔之誠用展儀型之志伏惟格歆尙其鑒享

聖祖仁皇帝諭祭商中祭陵文七道

自古歷代帝王繼天立極功德並隆治統道統昭垂奕
世朕受天眷命紹繼丕基庶政方新前徽是景明禮大
典函宜肇修敬遣尚官代將牲帛爰昭殷薦之忱聿修
欽崇之禮伏惟格歆尙其鑒享

自古帝王受天顯命繼道統而新治統聖賢代起先後
一揆成功盛德炳如日星朕誕膺眷佑臨制萬方埽滅
殘寇廓清區宇告功古后殷禮肇稱敬道尚官代將牲
帛爰修禋祀之誠用展景行之志仰企神靈尙其鑒享
自古帝王受天明命御歷膺圖時代雖殊而繼治同道
後先一揆朕承眷佑臨制四方稽古體文肅修祀事茲
以

皇祖妣孝莊仁宣誠憲恭懿翊天啟聖文皇后神主升祔
太廟禮成特遣尚官代將牲帛虔修禋祀之典用抒景行之

忱仰冀明靈鑒茲誠悃

自古帝王受天景命治綏猷必禁暴除殘以乂安黎庶緬懷往烈道實同符朕欽承

社臨御九圍茲以狡寇跳梁親征漠北蕩滌寇氛廓清邊徼永靖兵革以與普天率土樂育太和敬遣專官代將牲帛昭告古先哲后虔修禋祀式彰安攘之模用展景行之志仰企明靈俯垂鑒饗

自古帝王繼天立極出震承乾莫不道洽寰區仁周遐邇迺朕欽承丕緒撫馭兆民思致時雍常殷惕勵歷茲四十餘載今歲適屆五旬宵旰兢兢無敢暇逸漸致民生康阜世運昇平頃因黃淮告成親行巡歷再授方畧善

後是期觀民志之歡忻滋朕心之軫恤。適回鑿馭大沛
恩膏用遣專官敬修祀典冀默贊邅隆之治益宏仁壽
之休尚鑒精忱俯垂昭格

自古帝王繼天出治建極綏猷莫不澤被生民仁周寰
宇朕躬膺寶曆仰紹前徽夙夜孜孜不遑暇逸茲御極
五十餘年適當六旬初屆所幸四方甯謐百姓乂和稼
穡歲登風雨時若維庶徵之協應爰羣祀之虔修特遣
專官式循舊典冀益贊雍康之運尚永貽仁壽之休俯
鑒精忱用垂歆格

自古帝王受天景命建極綏猷垂萬世之經常備一朝

之典禮朕欽承

帝祖臨御九圍夙夜惟寅敬將祀典茲以

皇妣孝惠仁憲端懿純德順天翼聖章皇后神主升祔

太廟禮成遣專官代將牲帛用展苾芬之敬聿昭禋祀之

虔仰冀明靈尙其歆享

聖祖仁皇帝勅贈山西按察司僉事原任潞安府推官司九

韶文一道

誥奉政大夫戶部員外郎司焜及父母文各一道

勅候選知縣黃之徵及父母文各一道

誥侍衛楊炳及祖父母父母文各一道

世宗憲皇帝諭祭商中宗陵文一道

自古帝王繼天出治建極綏猷莫不澤被生民仁周海宇維我

皇考峻德鴻勳媲美前古顯謨承烈垂裕後昆朕以眇躬續膺大寶當茲嗣位之始宜修享祀之儀特遣專官虔申昭告維冀時和歲稔物阜民安醑風遍洽乎寰區厚德長敷於率土尙其散格鑒此精誠

皇帝諭祭商中宗陵文二道

禮崇典祀光俎豆於前徽念切景行薦馨香於往哲維商中宗繼天建極撫世誠民豐功焜燿於簡編駿烈昭

垂於宇宙溯典型於在昔凜法監之常存朕以藐躬繼
登大寶屬膺圖之伊始且展祀以告竣特遣專官祔燹
彝典必芬在列備三獻之隆備靈爽式憑仰千秋之明
德尙其歆格永錫鴻禧

世宗憲皇帝配享禮成祭告廟中宗廟文

乾隆二年

自古帝王憲天出治建極授猷德澤洽於萬方執範昭
於百世朕纂承鴻緒景仰前徽茲於乾隆二年四月初
六日恭奉

世宗敬天昌運建中表正文武英明寬仁信義大孝至誠

憲皇帝主配饗

國丘禮成特遣官員申昭告惟冀永佑壽域之盛益昭安
阜之隆庶幾精禱尙其歆格

勅貴州思南府婺川縣知縣黃之徵祖父母及父母文
各一道

勅中書科舍人黃之徵及父母文各一道

勅河南汝州魯山縣訓導黃煥父母文各一道

高宗純皇帝諭祭中宗慶文六道

惟帝王繼天建極撫世綏猷教孝莫先於事親治內必
兼於安外典型在望緬懷至德要道之歸景慕惟殷心
希武烈文讓之盛茲以邊徼教庠

中宮攝位

恣甯晉號慶洽神人敬遣專官用申殷仰惟祈歆格永錫鴻禧

惟帝王憲天作極受錄承庥教養莫先於事親歛福用光乎繼治是彝是訓緬維至德要道之歸壽圖壽人允懷錫類推恩之盛茲以

恣甯萬壽懋舉鴻儀敬晉

徽稱神人慶洽爰申殷薦特遣專官奠鑿茲忱永綏多福

惟帝王德洽恩威義嚴彰瘡鋤奸禁暴昭命討之無私輯遠綏荒振聲靈之有赫茲以兩金川大功全賊逆黨

咸俘埽遺孽於番陬戢武協永甯之志緬豐功於前代
慶成覘耆定之休特遣專官肅將禮祀惟冀鑒歆

惟王體元贊化建極綏猷澤被生民勳垂奕世簡編明
備累朝之治法相傳弓劍留藏千載之英靈如在茲以
朕七旬展慶九有臚歡懋舉崇儀特申昭告緬當日之
膺圖受籙每深景仰之忱撫此時之集嘏凝禧彌切祇
寅之念冀佑邳隆之運永貽仁壽之庥式薦精禋惟祈
鑒格

惟王體元贊化建極綏猷澤被生民勳垂奕世簡編明
備累朝之治法相傳弓劍留藏千載之英靈如在茲當

鴻圖錫羨鳳紀增綿懋舉崇儀特申昭告緬當日之
圖受錄每深景仰之忱撫此時之集歟凝禧彌切祇寅
之念冀佑邳隆之運永貽仁壽之庥式薦精禋惟祈鑒
格

惟帝膺圖撫運建極宜民澤洽當時聲教動寰瀛之慕
勳垂奕世典章昭方冊之貽思英爽以長存秩春秋而
匪懈茲以朕八旬展慶萬國臚歡懋舉崇儀特申昭告
荷蕃釐於

昊綽益緬皇春帝夏之隆仰景行於前朝倍殷夕惕朝乾之
志尙祈來格鑒此惟馨

仁宗睿皇帝諭祭商中宗陵文四道

自古帝王受鑠膺圖乘時御宇罔不憲天立極宥密單
心故能澤洽萬方範昭百世朕寅成鴻典景仰前徽茲
以恭奉

高宗法天隆運至誠先覺體元立極敷文奮武孝慈神聖純
皇帝主配享

圓丘禮成特遣專官虔申昭告惟冀孚佑皞熙之運益昭寰
宇安阜之風鑒此精禋尙其歆格

握符御宇徵一心一德之傳建極宜民差百世百王之
等惟帝王肇開鼎祚遞席蘿圖統元會以循環書典謨

而合揆溯

高廟寅承

祖志

睿吟窺升降之原撫朕躬式續丕基治法契登咸之藹茲以
陳疇錫慶合寓臚歡際

重熙累洽之期大衍之數五十緬駿德豐功之辟古史之紀
廿三昔年像展南薰聞覲本通乎禮樂此日心齋左个
馨香伉洽乎人天用薦景蕃特申昭告山陵不遠尊俎
宜歆

惟王肇握乾符遞承太筴制禮作樂垂明備於簡編騰

茂蜚英留聲靈於弓劍茲以朕慶逢六秩歡洽萬方周
甲錄以提釐萃壬林而錫福知其政知其德迄今欽治
統之隆作之君作之師稽古荷心傳之賜憶五旬之介
祉曾薦維馨閱十載以升香用昭有恪伏祈歆格虔奉
精禋

功存宇宙留百世之松楸德在山河有兩楹之俎豆興
懷往烈肅奉精禋朕纘承

大統自今日宵衣旰食兢業方殷念古來

帝緒

王猷典型不遠既切景行之慕宜修秩祀之文敬遣祠官

虔申禮奠睠藏弓之有地邈矣風徽問宰木以何年
哉慈鬱神其佑享福我寰區

宣宗成皇帝諭祭商中宗陵文五道

心源遞衍球圖燦御世之模祀典常昭俎豆肅侑神之
禮惟致治莫先稽古斯率初宜重升香朕纘紹丕基奠
崇

先烈廿五載

神功聖德聿符峻極於瓊壇四千年帝緒王猷遷企遺徽於
玉檢茲以道光元年四月初六日恭奉

仁宗受天興運敷化綏猷崇文經武孝恭勤儉端敏英哲

睿皇帝主配享

圓丘禮成特遣專官敬申昭告累葉睇松楸之蔭往蹟殷懷
兩楹薦黍稷之馨懋儀載舉式摠誠悃庶格精禋

惟帝王治奉三無功彰九伐詰戎兵而肄武駿烈綏猷
揚弧矢以宣威鴻猷震疊茲以蒐酋翦滅疆土孟安昭
耆定於極邊共覘一道同風之盛緬聲靈於列代益著
萬方嚮化之庥敬薦馨香伏祈昭鑒

惟帝王膺圖御宇握鏡臨宸澤被黃輿勳垂青史羹膺
不遠仰皇煌帝諦之模俎豆常新昭崇德報功之典茲
以

慈宮萬壽懋舉上儀敬晉

徽稱神人慶洽天經地義紹百王邳治之馨香日升月恒申
億載無疆之頌祝彝章式敘祀事饒隆致燭潔以明虔
庶神靈之歆格

惟帝乘乾握紀御籙登樞璣鏡呈儀瑤華垂範羹牆如
見竭高山景仰之誠黍稷咸登昭明德馨香之報茲以
慈宮萬壽懋舉上儀敬晉

徽稱神人慶洽萬年有道永垂邳治之鴻猷百福來同用協
吉蠲之燕饗綜靈囊而肇祀陳繡簋以致虔鑒此誠祈
庶其歆格

功昭宇宙千秋之明德惟馨祀展陵園曠代之隆儀備
舉緬懷前烈敬奉精禋朕以藐躬繼登大寶念天命民
魯之可畏夙夜不遑思皇煌帝諦之同符典型未遠肅
將享禮特遣專官靈爽常存彌切景行之慕馨香斯薦
用申昭告之誠惟冀來歆福茲億兆

文宗顯皇帝諭祭商中宗陵文二道

淵源遞衍前型昭方策之貽統緒相承明德肅苾芬之
祀緬英靈之如在稽彝典之宜遵朕寅紹丕基尊崇

先烈神功聖德深翼戴者萬方帝緒王猷紹心傳於百世茲
於咸豐二年四月初三日恭奉

宣宗效天符運立中體正至文聖武智勇仁慈儉勤孝敏成
皇帝主配享

園丘禮成特遣專官虔申昭告瞻松楸之庇蔭往蹟殷懷薦
黍稷之馨香明禮懋舉尙其敬格鑒此精誠

膺圖撫運創垂之統緒常昭錫福誠民嬾易而後先合
揆維帝肇開鼎祚遞握乾符典章窺制作之精聲教永
漸靡之澤緬先民之矩矱方策如新奉絜禋之馨香奠
薦可接茲以朕三旬介祉九寓臚歡敷惠闔於遐區企
儀型於往哲薪傳遙溯益欽百世之隆規薈合告虔庶
迓萬年之禔福載陳芬苾尙冀歆依

穆宗毅皇帝諭祭商中宗陵文一道

寶錄對元奉三無以出治璇璣協瑞禕千聖以同符惟
帝保太垂模乘乾握紀在昔顯庸致治早啟後人祖述
之患於今偉烈豐功猶隆明德馨香之報朕幼冲繼序
堯疢承基惕艱大之遺投奉典謨爲法守一二日事幾
兢業方厯集慶於當躬四千年治法欽承尙冀傳薪於
先哲爰稽彝典肅奉精禋道契羹牆彌切憲章之念儀
陳鼎俎用申昭告之誠惟冀來歆福茲億兆

今皇上諭祭商中宗陵文三道

光昭宇宙千秋之明德惟馨祀展陵園曠代之隆儀備

舉緬懷前烈敬奉精禋朕以藐躬繼登大寶念天命民
曷之可畏夙夜不遑思皇煌帝諦之同符典型未遑肅
將享禮特遣專官靈爽常存彌切景行之慕馨香斯薦
用申昭告之誠惟冀來歆福茲億兆

惟帝斟元建極撫世誠民至治馨香百代之神靈如在
顯謨懿鑠千秋之統緒相承稽方策以常新秩春秋而
匪懈朕藐躬嗣服庶政親裁特遣專官虔申昭告播麻
聲於後世益勉皇煌帝諦之隆仰景行於前朝敢忘旰
食宵衣之意羹膾默契俎豆祇陳庶鑒精誠來格享祀
天生民作之君故制治必歸於禮禮復古不忘始故報

祀上及百王惟帝出震膺圖嚮離提紀赫聲有赫陰陽
早協乎神符熙號無窮風雨長思乎王會朕親裁庶政
統御萬方典學則言必稱先敷治則事多由舊心存兢
業一日二日萬幾志切憲章先聖後聖同揆精意以享
明德惟馨歎所往謂王永垂靈於五德功加民則祀庶
錫福於羣黎神其鑒茲尙來歆格

漢

書奏

日食對

杜 鄴

臣聞禽息憂國碎首不恨卞和獻寶刖足願之臣幸得奉
直言之詔無二者之危敢不極陳臣聞陽尊陰卑卑者隨
尊尊者兼卑天之道也是以男雖賤各爲其家陽女雖貴
猶爲其國陰故禮明玉從之義雖有文母之德必繫於子
春秋不書紀侯之母陰義殺也昔鄭伯隨姜氏之欲終有
叔段篡國之禍周襄王內迫惠后之難而遭居鄭之危漢
興呂太后權私親屬及以外孫爲主惠后是時繼嗣不明

凡事多晦晝昏冬雷之變不可勝載竊見陛下行不偏之政每事約儉非禮不動誠欲正身與天下更始也然嘉瑞未應而日食地震民訛言行籌傳相驚恐案春秋災異以指象爲言語故在於得一類而達之也日食明陽爲陰所臨坤卦乘離明夷之象也坤以法地爲土爲母以安靜爲德震不陰之效也占象甚明臣敢不直言其事昔曾子問從令之義孔子曰是何言與善閔子騫守禮不苟從親所行無非理者故無可間也前大司馬新都侯莽退伏弟家以詔策決復遣就國高昌侯宏去蕃自絕猶受封土制書侍中駙馬都尉還不忠巧佞免歸故里間未旬月則有詔

選大臣奏正其罰卒不得遣而反兼官奉使顯寵過故
陽信侯業皆緣私君國非功義所止諸外家昆弟無賢不
肖並侍帷幄布在列位或典兵衛或將軍屯寵意并於一
家積貴之勢世所希見所希聞也至乃並立大司馬將軍
之官皇甫雖盛三桓雖隆魯爲作三軍無以甚此當拜之
日瞭然日食不在前後臨事而發者明陛下謙遜無專承
指非一所言輒聽所欲輒隨有罪惡者不坐辜罰無功能
者畢受官爵流漸積猥正尤在是欲令昭昭以覺聖朝昔
詩人所刺春秋所譏指象如此殆不在它由後視前忿邑
非之逮身所行不自鏡見則以爲可計之過者疏賤獨偏

見疑內亦有此類天變不空保右世主如此之至奈何不
應臣聞野雞著怪高宗深動大風暴過成王怛然願陛下
加致精誠思承始初事稽諸古以厭下心則黎庶羣生無
不說喜上帝百神收還威怒貞祥福祿何嫌

訛言行籌對

哀帝建平四年正月民驚走持橐或振
一枚傳相付與曰行詔籌道中相過逢

多至千數或被髮徒踐或夜拆闔或逾牆入或乘
車騎奔馳以置驛傳行經歷郡國二十六至京師
其夏京師郡國民聚會里巷阡陌設祭張博具歌
舞祀西王母又傳書曰母告百姓佩此書者不死
不信我言視門樞下當有白髮至秋止時
帝祖母傳太后驕與政事故鄴對云云

杜 鄴

春秋災異以指象爲言語籌所以紀數民陰水類也水以

流爲順走而西行反類逆上象數度放溢妄以相子
性民心之應也西王母婦人之稱博奕男子之事於街巷
野而明離闈內與疆外臨事盤樂炕陽之意白髮衰年之
象體尊性弱難理易亂門人之所由樞其要也居人之所
由制特其要也其明甚著今外家丁傅並侍帷幄布於列
位有罪惡者不坐辜罰亡功能者畢受官爵皇甫三桓詩
人所刺春秋所譏亡以甚此指象昭昭以覺聖明奈何不
應

說車騎將軍王音

郭聞人情恩深者其養謹愛至者其求詳夫戚而不見殊

孰能無怨此棠棣角弓之詩所爲作也昔秦伯有千乘之國而不能容其母弟春秋亦書而譏焉周召則不然忠以相輔義以相匡同己之親等己之尊不以聖德獨兼國寵又不爲長專受榮仕分職於陝並爲弼疑故內無感恨之隙外無侵侮之羞俱享天佑兩荷高名者蓋以此也竊見成都侯以特進領城門兵復有詔得舉吏如五府此明詔所欲寵也將軍宜承順聖意加異往視每事凡議必與及之指爲誠發出於將軍則孰敢不說諭昔文侯寤大鴈之獻而父子益親陳平共一飯之簞而將相加驩所接雖在楹階俎豆之間其於爲國折衝厭難豈不遠哉竊慕倉唐

子之義所曰奧內唯深察焉

郊祀制議

杜林

當今政卑易行禮簡易從人無智愚思仰漢德基業特起不因緣堯堯遠於漢人不曉信言提其耳終不說論后稷近周人所知之又據以興基由其祚詩曰不愆不忘率由舊章宜如舊制以解天下之惑

肉刑奏

杜林

夫人情挫辱則義節之風損法防繁多則苟免之行興孔子曰道之以政齊之以刑民免而無恥道之以德齊之以禮有恥且格古之明王深識遠慮動居其厚不務多辟周

之五刑不過三千大漢初興詳覽失得故破矩爲圓斲彫
爲樸蠲除苛政更立疏網海內歡欣人懷寬德及至其後
漸以滋章吹毛索疵詆欺無限果桃李茹之饋集以成滅
小事無妨於義以爲大戮故國無廉士家無完行至於法
不能禁令不能止上下相遁爲弊彌深臣愚以爲宜如舊
制不合翻移

示門人衛宏徐巡書

衛宏長於古學及見林闡然而服徐巡始師事宏後更受林學

林前於西州得漆書古文尚書一卷常寶愛之雖遭艱困握持不離身出以示宏等云云

杜林

林流離兵亂常恐斯經將絕何意東海衛子濟南徐生復

能傳之是道竟不墜於地也古文雖不合

無悔所學

更有遺馬按
嘗見後雜記

讓申屠蟠

蔡邕

君端稟氣元妙性敏心通喪親盡禮幾於毀滅至行
人所鮮能安貧樂潛味道守真不爲燥溼輕重不爲
易節方之於邕以齒則長以德則賢

代黃琬勸申屠蟠應徵

黃忠

吳府初開至如先生特加殊禮優而不名由以手筆
凡枚之坐經過二載而先坐抗志彌高所尚益固竊論先
生高節有餘於時則未也今賴用荀爽載病在道北海鄭

元北面受署彼豈樂羈牽哉知時不可逸豫也昔人之隱
遭時則放聲滅迹巢棲茹薇其不遇也則裸身大笑被髮
狂歌今先生處平壤游人間吟典籍襲衣裳事異昔人而
欲遠蹈其迹不亦難乎孔氏可師何必首陽

唐

條突厥可取狀

張公謹

頡利縱欲肆凶除害善良昵近小人此主昏於上可取一
也別部同羅僕骨回紇延陀之屬皆立為國為臣
此謂效於下可取二也突利破達奚斤於高麗
敗無餘欲答喪師無託足之地此其挫辱敗可取三也

方霜早廩糧乏絕可取四也頡利疏突厥親諸胡胡性翻
覆大軍臨之內必生變可取五也華人在北者甚衆比聞
屯聚保據山險王師之出當有應者可取六也

宋

上皇太后奏

傅堯俞

外間物論紛惑兩宮之情未通臣謂天下之可信者無大
於以天下與人亦無大於受天下以公况皇帝以明睿之
資貫通古今而受人之天下乎如誅竄讒人則慈孝之聲
並隆矣

留傅堯俞等劄子

司馬光

臣近會上殿蒙聖恩宣諭以濮王稱親事云此親字官家亦本不欲稱假使只稱濮王與仙遊縣君有何不可臣乃知陛下至公本無過厚於私親之意直爲政府所誤以致外議紛紜必謂旦夕下詔罷去親名其已出臺官當別有餘改見在臺官亦優加撫諭使之就職昨日忽聞侍御史知雜事傅堯俞知和州侍御史趙鼎通判淄州趙瞻通判汾州中外之人無不驚愕此蓋政府欲閉塞來者使皆不敢言然後得專秉大權逞其胸臆臣竊惟陛下春秋方壯聖德欽明而今日獨取拒諫之名受孤恩之謗豈天下之望失人主之權止於遂正府數人狠心而已不知於

有何所利而爲之臣不勝區區深爲陛下痛惜伏望陛下
勿復詢於政府特發宸斷召還堯俞等下詔更不稱親如
此則可以立使天下憤懣之氣化爲驩欣誹謗之語變爲
謳歌矣